



Mayor ta trece dilanti su preocupacion pa situacion involucrando maestro cu a mishi cu un alumno indebidamente



Pagina 4

- **Organo Social
Economico ta
ilustra problema di
hopi edificio y cas
bashi**

Pagina 2

- **Gobierno di Aruba
a instala e prome
Studentenraad na
Hulanda**

Pagina 6

- **Meteo: No tin
alerta di tsunami
pa Aruba**

Pagina 4

Hoben ta fayece durante persecucion



Pagina 3

Accion di protesta dilanti beach na St. Regis Hotel



Pagina 3

Cuba: Secretario di Seguridad Interno di Trump ta bishita Guantanamo y ta supervisa yegada di inmigrantenan deteni



Pagina 11

Puntonan di enfoke pa Ombudsmannen pa 2025

Dianan 13, 14 y 15 di Januari a tuma lugar e encuentro anual di e Ombudsmannen di Reino aki na Aruba. Esaki tabata un encuentro historico pasobra ta pa prome biaha cu Aruba a participa na esaki y e prome Ombudsman di Aruba, Sra. Jurima Bryson tabata anfitrión di e encuentro importante.

Corsou, Sint Maarten y Hulanda tin nan Ombudsmannen caba ya pa casi 10 aña. Dia 1 di october 2024 Sra. Jurima Bryson a huramenta como e prome Ombudsman di Aruba y cu esaki tur pais den Reino tin un Ombudsman. E grupo di Ombudsmannen ta completo.

Den e fase actual di formacion di e Instituto di Ombudsman di Aruba, Sra. Jurima Bryson por conta riba ayudo y sosten di su coleganan Sr. Reinier van Zutphen, Ombudsman Nacional, Sr. Keursly



Concincion, Ombudsman di Corsou y Sra. Gwendolien Mossel, Ombudsman di Sint Maarten. Con e apoyo aki pa Sra. Jurima Bryson lo tuma lugar y lo haya forma tabata entre otro e puntonan riba agenda di e encuentro anual. Otro puntonan cu a wordo trata ta temanan manera inmigracion, derecho di mucha y extension di servicio di Ombudsman di Mucha. E Ombudsmannen tambe a papia tocante derecho di tin acceso na awa limpi. Den cuadro di esaki Ombudsmannen a pone atencion special na e derecho pa tin

acceso na awa limpi pasobra
esaki mester di atencion ur-
gente na e islanan.

No ta permiti pa casnan caminda tin mucha keda sin awa
Na maart 2024 Corte di Apelacion di Den Haag a duna un sentencia hopi importante pa loke ta trata e derecho di awa limpi pa casnan di cual menornan di edad ta forma parti di dje. Corte a determina cu tanto Estado Hulandes como e proveedornan di awa a actua den forma ‘onrechtmatig’, pues contra ley contra e muchanan na momento a

corta awa pa motibo cu no a
haya pago. E proveedornan di
awa a wordo duna un ordo pa
reestablece
awa of soru pa e casnan haya
e cantidad di awa estableci
segun normanan di World
Health Organisation te na
momento cu awa wordo co-
necta back.

Na e islanan sinembargo te cu awo awa ta wordo corta na momento cu no haya pago sin cu ta tene cuenta si na e adres ey tin mucha ta biba.

E Ombudsmannen lo keda enfoca den 2025 riba e puntonan aki.

Ta remarcabel con e legislacion di Ombudsman Aruba, e Landsverordening Ombudsman, ta esun mas avansa den Reino. E Ombudsman di Aruba tin e autoridad unico di por investiga no solamente un instituto di gobierno of entidad publico, pero tambe institutonan cu nan opera-

cion – direct of indirect – ta
un extension di e servicio di
gobierno y e pueblo di Aruba
ta depende di e institutonan
aki.

P'esey tambe lo organisa encuentro informativo pa e organisacionnan cu mester ta na altura di e legislacion di Ombudsman di Aruba cu e meta pa informa di e rol y autoridad di Ombudsman na e organisacionnan cu ta cay bou di e hurisdiccion di e ley aki.

Oficina di Ombudsman Aruba kier informa cu nan lo mantene pueblo na altura di e ultimo desaroyonan y en cuanto e apertura oficial di oficina.

Pa por keda na altura di e ultimo desaroyonan, por bishita tambe e pagina di Facebook ‘Ombudsman Aruba’, Instagram ‘ombudsmanaruba’ y LinkedIn ‘Ombudsman Aruba’.

Organo Social Economico ta ilustra problema di hopi edificio y cas bashi

Mester bin cu redestinacion pa resolve e decadencia di espacio na Aruba

Pa un pais asina pobla ta dificil pa kere cu tin asina hopi edificio bashi y den un estado deplorable. Consejo Social Economico, SER ta preocupa cu e cantidad di edificio, di Gobierno, comercial y residencial cu ta para bashi y/of den estado di decadencia aki na Aruba. SER ta considera esaki un desperdicio di espacio cu ademas por crea un sin fin di consecuencia negativo cu por yega na un circulo vicioso cu dificilmente por kibra y a crea e fenomeno di 'chollers' rond Aruba.

Tin tres periodo di e ciclo durante cual un edificio ta cay den decadencia despues di ta bashi y si tin accion rapido por evita na tempo cu pa para e proceso cu por crea problema grandi despues, segun SER.

E organo consultativo a bisa cu Aruba conoce diferente factor cu ta stroba cu edificionan ta keda para bashi. Un di nan ta falta di ley y regulacion. Entre otro no tin un base legal pa asina yama ‘taxateurs,’ dus expertonan cu ta evalua balor di edificio. Ademas, ta Parlamento mester aproba benta di edificio publico. SER ta aplaudi e forma innovativo pa haci intercambio di edificio, pero sin ley necesario ta

sigui promove decadencia di edificionan. Pero realidad ta si cu na e momentonan aki ta traha solamente a base di hurisprudencia, particularmente e aresto Didam, cu ta uno di Hulanda unda Corte Supremo a duna municipi- onan e luz berde pa actua na momento cu edificionan bashi, incluso si nan ta priva, ta bira un molester. Aunke na Aruba a duna inicio na e pro- cedura di intercambio, e sos- ode cu mas frecuencia, segun SER.

Herencia

Un di e estorbonan ta cu herederonan te den e di seis grado ta keda cu derecho riba edificio/casnan, hasta si esakinan no ta completa. Aunke cu ta existi e posibilidad pa Huez dicidi riba benta, poco ta consciente di esaki.

Otro punto ta cu implementacion di e leyman existente ta deficiente, unda por ehempel no ta duna boet, y hasta ta duna vergunning di construcccion (bouwvergunning = DOW) sin e asina yama aanlegvergunning (DIP). “Tin discrepancia entre departamentonan (DOW-DIP) mientras cu netamente ta rekeri cooperacion. Y si e burocracia ta stroba mehoracion, ta ora pa tuma medida,” segun e organo.

SER ta duna un serie di re-
comendacion na Gobierno

con pa atende cu e problema aki, cu mester mitiga e cantidad di edificio/cas bashi y cu ta cuadra cu metanan di desarojo sostenibel. Gobierno por cuminsa cu su propio edificionan, dor di revisa e proceso compleho di benta di edificio publico. Si resulta cu e idea pa intercambia edificio ta funciona, mester haci esaki cu tur otro. Pero e ta rekeri un standarisacion legal pa standard y rekisito di taxateurs.


SER ta preocupa cu e red tape den y di sector publico ta un estorbo pa facilita, entre otro redestinacion di edificionan. Esaki ta particularmente bisto den ‘Caya Grandi,’ unda e disponibilidad di inversionistanan ta parece di ta cay pa por duna e area bida. Con-

secuientemente hopi edificio den caya principal ta den un condicion deplorable. No tin mucho diferencia entre edificacionan cu awor aki ta den uso cu esnan bashi, pa motibo di falta di mantencion. E resultado ta un aspecto di decadencia cu ta trece tur tipo di problema. Unda cu no por efectua un redestinacion, lo mester pasa pa basha edificionan abou. Pero hasta pa logra un permiso pa por haci e trabou aki ta complica. “Si berdad ta purba busca alternativa y solucion, pero procesonan ta dificulta pa motibo di burocracia, anto e ta bira un trabou inmenso pa por solucion e problema,” segun SER.

Sector priva
Gobierno mester percura cu
DOW tin e autoridad pa con-

trola mas, cu inspectornan cu por duna boet si nota cu edificionan/cas ta den un estado deplorable. E discrepancia cu actualmente ta existi ta cu na momentonan aki ta rosa mondi prome cu haya aanlegvergunning di DIP y toch ta honra e bouwvergunning. Unicamente si impone e boetnan por percusa cu ta duna bouwvergunning segun e procedura corecto.

Mester revisa procesonan burocratico pa evita cu structuralmente ta bin edificionan y cas para bashi, y sigura cu por tin redestinacion di esakinan door di evita cu cholernan ta tuma cargo. Pero pa logra, departamentonan publico mester ta profesionalisa cu trahadonan recapacita cu por funciona optimalmente pa genera data y implementa maneho. "Esaki ta un requisito primordial, esta cu mester inverti den un sistema di data unda ta monitoria y analisa edificionan para bashi. Esaki lo duna contribucion ta identifica e areanan di problema y formula ley, regla y maneho adecuado pa por para cu edificionan ta keda bashi y ta cay den decadencia, cu tur su consecuencianan. Ademá, e sistema aki lo yuda den hisa eficiencia den y entre departamentonan di Gobierno, sin cu mester amplia e cantidad di personal.



Accion di protesta dilanti beach na St. Regis Hotel:

Segun polis a informa, tereno di hotel ta un tereno eigendom desde 1990 cu te awor a ser desaroya

Ayera den oranan di atardi riba e beach situa dilanti St. Regis Hotel cu recientemente a habri su portanan a tuma luga un accion di protesta di parti di activistanan local cu a expresa nan indignacion y disgusto pa e hecho cu e hotel a tuma over e beach cu antes localnan tabatin e oportunidad di disfruta di dje.

For di algun dia caba e topico di e parasol- y stoelnan cu e hotel a ubica riba e beach, tumando over asina practicamente henter e area di e beach caminda antes tabatin algun palapa y cu ciudadanonan tabata disfruta di dje, ta un topico cu a ricibi hopi atencion den ultimo simanan.

Riba rednan social sobretodo tanto ciudadanonan local como bishitantenan a expresa nan malcontento pa e hecho cu otro beach di Aruba, cu ta un luga conoci pa localnan pasa dia, a ser kita pa motibo di turismo.

Bon Dia Aruba a bin ta sigui di cerca e desaroyo di e situacion aki, te na e accion di protesta cu a tuma luga ayera dilanti e hotel.

E conocido activista Nigel Maduro tabata presente,



hunto cu otro activista- y personanan cu ta apoye den su lucha contra construccion di mas hotel y destruccion di patrimonio y herencia natural di Aruba. Polis tambe tabata presente ken a maneja e situacion cu calma pa asina esaki no escala for di man.

Maduro, a alsa su voz y a cuestiona con por ta posibel cu ta kita mas y mas espacio di localnan pa duna prioridad na turista. Na mesun momento e tabata cobando un buraco na e base di un parasol cu e hotel a instala riba beach pa asina demostra con profundo e parasol ta instala, mientras e tabata cuestiona con tortuganan ta haci pa pone nan webonan si nan no tin espacio mas.

Polis, na su turno tabata spli- cando tur presente cu aunke nan tur tin derecho di protesta, ta importante pa haci esaki segun ley. E polis a splica cu a base di informacion ricibi directamente for di DIP, e tereno en cuestion ta un tereno cu ta eigendom, pues propiedad priva, cu a ser bendi desde aña 1990 y cu no a ser desaroya te aworaki.

E polis tabatin un mapa cu a bin for di DIP den cual por mira e liñanan cu ta marca e propiedad di tereno cu ta di e hotel, te unda esaki ta yega y kico ta loke ta beach publico.

Mester remarca cu e informacion cu e agente policial a trece dilanti ta contradeci informacion cu Bon Dia Aruba a ricibi for di ex minister di infraestructura, Otmar Oduber y prome minister demisionario Evelyn Wever-Croes.

Segun e informacion cu prome minister a brinda na Bon Dia Aruba, cu a ser suministra pa DOW na su persona, e tereno di e hotel en cuestion ta un tereno cu a ser otorga den erfpacht den aña 2006 unda a resta mas o menos di 21 meter, midi for di canto di lama, cual zona ta beach publico.

Ex minister di Infraestructura, Otmar Oduber, tambe a indica cu den e caso specifico aki, e hotel a haya e derecho di tin un precario mescos cu tur otro hotel cu ta riba beach y hasta esnan cu no ta riba beach.

El a enfatisa cu tur hotel a haya e derecho adkiri na momento cu gobierno ta duna nan pa ley un tereno pa ser desaroya cu nan por haci uso



di un precario riba beach. E precario aki e hotel ta paga p'e pa aña, y ta ser regla den e maneho y pues loke ta tumando luga dilanti e hotel na e momentonan aki ta conforme e ley ey cu a ser implementa.

El a remarca cu e hotel ta pone parasol na e tereno dilanti ta parti di e precario cu e ta paga como esun cu ta desaroyando e tereno erfpacht, pero si un persona, como ciudadano Arubiano kier sinta bou di e palapa, sin mishi cu e parasol y sin mishi cu e stoel, niun hende no por prohibi esaki pasobra ley ta bisa cu beach ta habri, e tereno di e beach ta keda publico.

Di otro banda polis a infor-

ma ayera durante e protesta cu e tereno di hotel ta priva, un tereno eigendom cu a ser bendi den aña 1990 y no un tereno erfpacht cu gobierno a entrega na 2006.



Meteo: No tin alerta di tsunami pa Aruba

Un terremoto magnitud 7.6 a sacudi Lama Caribe, sur di Cayman Islands riba diasabra, segun US Geological Survey. Varios isla y pais a urgi hende cerca di e costa pa move den e pais, pero autoridadnan na mayoria di pais despues a elimina e alerta di tsunami.

E terremoto a tuma lugar pa 6:23pm ora local memey di lama, y tabatin un profundidad di 10km, USGS a bisa. Su epicentro tabata ubica 209km sur-suroccidente di George Town den Cayman Islands.

Merca a emiti alerta di tsunami pa Puerto Rico y US Virgin Islands, pero despues a cancela esaki.

Cayman Islands su maneho di emergencia a urgi residentenan move na mayor altura, pero despues a emiti un “all


clear” riba su pagina di Facebook.

Gobernador di Puerto Rico, Jenniffer Gonzalez Colon a bisa den un declaracion cu e ta den contacto cu agencianan di emergencia despues di e advertencia pa tsunami, pero no a recomenda pa hende bandona e costa.

Gobierno di Republica Dominicana tambe a emiti un alerta pa tsunami y a recomenda residentenan den costa pa move na mayor altura, pero despues a cancela e alerta.

Autoridadnan Hondureño y gobierno Cubano a urgi hende pa keda leu di beach.

Mientras tanto, servicio meteorologico di Aruba, Meteo a informa riba su pagina di Facebook cu no tabatin alerta di tsunami pa Aruba, desmintiendo informacion cu tabata circulando riba rednan social.



Mayor ta trece dilanti su preocupacion pa un situacion involucrando un maestro di Colegio Arubano cu a mishi cu un alumno indebidamente

Recientemente na nos mesa di redaccion a yega informacion di forma anonimo di parti di un mayor preocupa pa un situacion na Colegio Arubano. Segun e informacion ta trata di un caso cu ta envolver un maestro cu lo a “fula” un estudiante di e scol y ainda ta trahando na e scol.

A traves di varios email anonimo u mayor di un estudiante na Colegio Arubano a expresa su preocupacion pa un situacion involucrando un meneer di e scol cu supuestamente lo mester a mishi cu un estudiante menor di edad di un forma no adecua.

Informacion inicial cu a drenta cerca Bon Dia Aruba dia 30 di januari a indica cu tin un situacion na Colegio Arubano cu tin un mayor preocupa. E mayor aki, ken no a revela su identidad y a keda completamente anonimo pa bienestar di su famia, a splica cu tin un maestro di idioma na e scol cu den parada di fakkel (carnaval) a mishi y fula un alumno menor di edad.

Segun e mayor a indica scol ta na altura di e situacion aki y e meneer no a bin traha den e siman despues cu tabata e siman di examen. E siguiente siman e meneer tabata back na trabou locual ta preocupa

e mayor aki.

“Niun momento a haci algo pa defende nos muchanan. Mañan e meneer aki por mishi cu mi yiu, kico e ora?” el a cuestiona.

El a sigui indica den su mail cu e no ta sinti cu e por acerca e school, pa no perhudica su yiu, y cu ta muestra manera cu e rector di e scol no ta haci nada.

“Con por ta posibeel cu un maestro por mishi (fula) cu un menor di edad den pleno carnaval. Tur hende ta keto y no por haci nada. Mi a compronde di otro mayor, cu e pensamiento ta cu e rector ta permiti e bagabunderia aki na scol. Nos tin un problema grandi na scol y mi no tin alternativa pa hiba mi yiu otro scol,” e mayor a splica.

Dia 5 di februari otro email a drenta di forma completamente anonimo caminda cu a bolbe expresa nan frustracion y preocupacion pa con e situacion a ser maneha y e hecho cu e meneer aki ainda ta traha na scol.

E mayor a informa cu e maestro, ken ta un maestro di Papiamentu na Colegio Arubano di inicialnan B.F., ainda ta traha na Colegio Arubano. El a cuestiona dicon e maestro aki ainda por sigui duna les, teniendo na cuenta e situacion cu a tuma lug.

E mayor a indica tambe cu e stichting cu ta maneha e scol, SMOA, a dicidi di lage na trabou y esaki tin e maestronan ta preocupa y no por haci nada, y, segun e mayor a señala, nan tin miedo di e stichting tambe.

El a agrega cu dentro di poco alumnonan di Colegio Arubano lo ta biahando pa Hulanda y e mesun meneer aki ta forma parti tambe di e grupo cu lo ta biahando. Esaki ta haci cu e preocupacion y desconfiansa ta crece.

“Mi yiu tambe ta participa y mi no ta confia e homber aki cerca di mi yiu. Con por ta posibel cu maestronan por mishi y fula un estudiante y no tin consecuencia pa esaki. Un menor di edad cu por ta insigur y ainda mester cosose mundo ta wordo manipula y abusa. Un scol tin e deber di sali na vanguardia di nos yunan y no por ta defende un maestro cu tin prueba di cu el a mishi cu un mucha,” e mayor aki a remarca.

Bon Dia Aruba a tuma contacto cu SMOA y representante di e stichting a splica cu e suceso ta uno cu a tuma lug pafo di scol a pesar cu e meneer ta un masetro y tin un alumno meerderjarig involvi, na e momento cu e situacion a presenta e organizacion a schors e maestro pa



tres dia y despues di a haci tur e investigacion necesario a dunele un warning mara na un sancion cu ta contene kico ta e medidanan cu lo ser tuma si e no tene su mes na e reglanan cu mester tene na dje.

E mayor preocupa ta cuestiona con por ta posibel cu ta laga un maestro keda traha na scol despues di mishi cu un alumno na un manera no adecua. SMOA a splica cu den nan investigacion nan ta mira e balansa y con e cosnan tabata na ambos banda.

E stichting a indica cu a base di e investigacion cu nan a realisa, a sali na cla cu aparentemente pafo di scol caba ta trata di un grupo di amigo cu a dicidi pa bay e parada en cuestion hunto.

Di parti di e stichting a agrega cu nan a papia cu e maestro ya subraya e importancia di tin limitenan y un standrad di comportacion cu como maestro mester atene na dje, hasta pafo di scol. E stichting a enfatisa cu bou

di ningun circunstancia nan ta permiti esey sucede y pa e motibo ey, basa riba e resultadonan di e investigacion, a tuma e medidanan cu nan a mira ta necesario.

Na mesun momento SMOA a subraya cu ta nan ta haya lamnetable cu e mayor preocupa no a acudi cu su preocupacion na e stichting pa asina por splica kico ta loke nan a encontra den nan investigacion y pa ki motibo a tuma e decision cu a tuma.

Bon Dia Aruba a puntra e fundacion den caso di e maestro cu lo mester ta biahando pronto cu un grupo di estudiante pa Hulanda, si esaki ta bay sucede teniendo na cuenta e situacion cu a tuma lug. E stichting a indica cu e decision aki ta cay bou di e scol y e comision encarga cu e biah.

Bon Dia Aruba a purba tuma contacto cu Colegio Arubano via telefon pero no a logra haya un contesta.

Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion
noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Prome Minister a reuni cu Secretario di Estado

Aruba y Hulanda ta percura pa logra un acuerdo riba ley di reino dia 1 mei 2025

Prome Minister Evelyn Wever-Croes siman pasa tabata na Hulanda pa trabou pa atende varios reunion importante pa Aruba. E enfasis di e biahe di trabou ta pa delibera riba e rijkswet cu lo significa un reduccion di interes di e debe di Covid.

Pa trata e rijkswet y otro temanan di relevancia, Prome Minister a reuni cu Secretario di Estado di Relacionnan di Reino señor Zsolt Szabo.

Rijkswet

Durante e reunion a conclui cu Hulanda ta hopi satisfecho con e negociacion ta bayendo te na e momento aki y tur e progreso cu a logra. A delibera riba e diferente puntonan di relevancia den negociacion. Na final di e reunion tanto Aruba como Hulanda ta optimista cu lo logra yega na entrega e rijkswet na nos parlamentonan pa e fecha di



1 di mei 2025. Esaki ta un noticia hopi positivo pa Aruba. Cu e rijkswet e interes cu Aruba ta pagando di e debe cu Hulanda lo baha di 5.1% cu e ta actualmente, pa 3.4%, y cu e posibilidad di interes di 3.4% tambe riba e debe di prome cu pandemia.

E trabou di e negociacion lo continua y lo sigui traha duro, manera ta bin ta haciendo pa logra un consenso pronto. Otro temanan

Durante e reunion cu señor Szabo a toca otro temanan di relevancia, por ehempel e maneho nobo na Merca. Aki e Secretario di Estado tawata interesa di kico por ta e efectonan pa Aruba a base di e medidanan cu e gobierno nobo na Merca a tuma. Riba esaki Prome Minister a dun'e un splicacion extenso riba e diferente scenarionan. Tambe e Secretario di Estado tawata interesa den e situacion na Aruba di e formacion

di gobierno.

“Durante tur e reunionan cu mi tin na Hulanda mi ta elabora riba e estabilidad financiero di nos pais. Y e importancia pa mantene e estabilidad financiero aki den e tempo nos dilanti. A trata di otro bon reunion, pero e mas importante ta cu Hulanda tambe ta convenci cu ta posibel pa yega na un acuerdo y pa esey nos ta sigui traha pa por logra esaki pa dia 1 di mei 2025,” Wever-Croes a comenta den un comunicado di prensa durante weekend.



Trabao di desmantelacion riba Prof. Lorentzstraat ta trece algun punto di cuestionamento dilanti

Dos siman pasa, Dienst Openbare Werken Aruba (DOW) a anuncia e ciere temporal di Prof. Lorentzstraat pa dos siman largo, en conexon cu un trabao di desmantelacion di un bijbouw construi riba cas. E caso aki a trece algun punto di cuestionamento dilanti, mirando cu e situacion ta subraya e descuido di propiedad y ultimamente e consecucionan financiero cu esaki por tin pa pagadornan di impuesto pa asina rectifica e erornan di otro.

E caso di Prof. Lorentzstraat a ser publica den varios media dia 29 di januari, den cual a reporta cu e caso aki supuestamente ta encera un bijbouw agrega ilegalmente, cual net prome cu su desmantelacion a presenta un menasa pa seguridad di bisiñanan y tambe e doño di cas. A reporta cu e pisonan adicional—cual aparentemente tabata traha mayormente di palo—a cuminsa kenter na banda, causando preocupacion cu esaki por cay riba e hogar original di e doño of esnan di e bisiñanan.

E trabao di desmantelacion aki a bin como sorpresa pa algun, mirando cu e cas aki

tin basta tempo para eyan, y es mas, ta conoci tambe riba e caya como e cas cu semper ta briya cu luz henter aña. E caso aki, aunke ta parece como cualkier caso di desmantelacion, ta trece algun pregunta dilanti—no solamente tocante e posible peligro cu situacionnan asina por trece pa ciudadanonan, pero tambe tocante e posible consecucionan financiero—y alabes ta cuestiona e falta di control adecua den casonan asina.

Manera a menciona, e bijbouw a bin na remarca pa desmantelacion despues di varios aña ora a tuma nota cu e estructura tabata cuminsa kenter. Esaki ta trece e prome punto di cuestionamento: e responsabilidad di ambos doño y autoridadnan pa control adecua. Manera ta stipula claramente riba website di DOW, ora ta trata di construcccion di mas di un piso, DOW mester ser alerta pa controla cu e heronan di e estructura ta instala adecuadamente. Ademas mester contacta DOW un segunda bes pa controla e heronan instala den e ringbalken di cada piso. Mirando reportahenan bisando cu e estructura ta traha mayormente di palo, lo por a nota cu construcccion



ta cay den riesgo di no cumpli cu liñanan di guia stipula pa DOW. Esaki ta trece e prome pregunta: Ki ta e motibo cu te awor a tuma accion pa aborda un construcccion cu aparentemente tabata ilegal tur e tempo aki? Ademas, e caso aki ta subraya e irresponsabilidad di doñonan di cas cu no ta cumpli cu reglanan facilmente disponible pa construcccion di structuranan den tereno di cas. No ta prome biahá cu DOW mester a hala atencion riba structuranan instabieli of falta di permiso pa construcccion, y ta cu fortuna cu e caso aki no a resulta den un incidente severo pa bisiñanan y doño di cas.

Di dos punto ta encera e peso financiero pa e desmantelacion aki. Na momento cu e

caso aki a surgi den noticia, a reporta cu e demolicion lo trece un costo di aproximadamente 30 mil florin, cual e doño di cas lo mester cubri despues. E construcccion ilegal aki lo trece un multa pa e doño? E costonan di desmantelacion lo ser carga pa pagadornan di impuesto turesten? Y con por segura cu e costo lo ser cubri completamente, si aparentemente e doño mes no tabatin recurso pa desmantela e cas riba su esun iniciativa?

Bon Dia Aruba a trece e preguntanan aki cerca DOW, y ademas a purba tuma contacto cu doño di cas pa por verifica algun informacion. Sinembargo, te cu publicacion, ambos partido no a logra provee contesta.

Aruba Today ta alerta contra 'scam' usando imagen di e corant

Recientemente, Aruba Today a bin na altura di un scammer cu ta usando imagen di Aruba Today pa propaga noticia falso riba Facebook, cu un link cu ta produci un scam.

E unico noticia confiable di Aruba Today ta bin for di nos corant cu ta circula gratis, e pagina di Facebook 'Aruba Today News', y e website www.arubatoday.com. Cualquier otro forma di comunicacion, manera screenshot di otro usuario y link cu ta aparece como 'sponsored', no ta legitimo.



Team di Aruba Today ta aprecia e cooperacion di usuarionan di rednan social pa no comparti desinformacion, y ta urgi tur usuario pa keda atento y

no cay pa e scams aki, pa bo propio seguridad y privacidad. Si ta encontra e scamnan aki, por fabor reporta nan, of informa e team di Aruba Today.



Despues cu studiantenan na Hulanda a pidi p'e

Gobierno di Aruba a instala e prome Studentenraad na Hulanda

Durante su bishita na Hulanda pa varios reunion, Prome Minister Evelyn Wever-Croes tabata presente na Kabinet di Gevolmachtigde Minister di Aruba na Den Haag, Arubahuis, pa instalacion di e prome Studentenraad pa Aruba na Hulanda.

Prome Minister a indica cu e idea pa cu e proyecto aki a cuminsa 1 aña pasa durante un reunion cu el a atende cu e studiantenan, na unda nan a bin cu e recomendacion aki

dilanti. Awor un aña despues Gobierno di Aruba a logra cumpli cu e studiantenan aki instalando asina e "Studentenraad" cu tanto nan a pidi p'e.

Pa haci e proyecto aki uno exitoso, a busca studiantenan di Aruba cu ta estudiando na Hulanda den diferente region pa bira miembro di e Studentenraad. Nan tarea como miembro ta pa representa e studiantenan na Hulanda y pa trece nan puntonan di preocupacion y/of recomen-



dacionnan dilanti. Tambe e studiantenan aki lo tin e derecho di "inspraak", esaki

kiermen cu nan lo tin algo di bisa den e maneho general cu Gobierno di Aruba ta aplica.

Hunto cu nan mentor di cada region, e studiantenan aki lo ta encarga pa inventarisa kico ta e necesidadnan cu tin y pa bin cu proposicionnan pa cu solucion. E meta di esaki ta pa Gobierno por logra atende e necesidadnan aki pa asina mehora e calidad di bida di cada estudiante di Aruba na Hulanda. Esaki sigur lo yuda cada estudiante pa asina nan por ta exitoso den nan estudio.

Hoben ta fayece durante persecucion

Ayera den oranan di mainta trempan, Cuerpo di Polis a informa riba un suceso tragico, den cual un hoben a fayece durante un persecucion.

Den un comunicado di prensa, Cuerpo Policial a splica

loke a sucede durante e incidente: "[Diadomingo] pa 5or di mainta, patruya di Noord ta meld na central di Polis cu nan lo ta persiguiendo un auto marca Toyota modelo Vitz cu ta coriendo irresponsable (roekeloos) cu luz paga.



"Polis ta duna señal pa e para pero e chauffeur no a sigui ordo di polis.

"Na altura di Madiki ta purba para e auto y segun prome informe, a manda auto riba polis. Polis na su turno lo mester a tira y esaki lo a alcanza e chauffeur masculino di e auto.

"Polis na su turno ta pidi pa ambulance y hefenan pa bin

na e sitio cu maximo urgencia. Ambulance ta yega na e sitio di e sucedido y ta brinda asistencia na e chauffeur, pero lamentablemente no por a haci nada mas p'e.

"Dr. forensico ta presenta y ta constata morto di e hoben di inicial A.C.L. di 19 aña. Polis tecnico, slachtofferhulp y demas autoridad a presenta pa haci nan investigacion.

"Cuerpo Policial Aruba ta manda palabra di condolencia na famia di e fayecido den e caso lamentable aki.

"Landsrecherche tambe a presenta pa haci nan investigacion pa motibo cu ta trata di envolvimiento di agentenan policial. No por duna mas detaye mirando cu e caso ta bao investigacion."



De Cuba | Ormel | Noordhuizen
Attorneys at Law

Una apelación a todos los que tengan información sobre el domicilio, la residencia u otros datos de contacto de la señora Luisa Maria Polanco Marte nacida el 19 de Agosto de 1970 en San Fransisco de Macoris, República Dominicana:

Por favor comuníquese con Jean Maurice de Cuba, administrador legal

Elleboogstraat 11-13, Oranjestad, Aruba, T 583 8144, jeannot@donlaw.com

Temporada di griep na Merca esun mas intenso den al menos 15 aña

(AP) — Temporada di virus di winter na Merca ta den pleno desaroyo, y segun un midi, ta esun mas intenso den 15 aña.

Un indicador di actividad di griep ta e porcentahe di bishita na dokter impulsa pa sintoma di griep. Siman pasa, e cantidad tabata claramente mas halto cu e peak di cualkier temporada di griep den winter desde 2009-2010, tempo cu e nacion tabata afecta pa un pandemia di griep di porco, segun datonan publica diabierna mainta pa Centro di Control y Prevencion di Malesa (CDC) di Merca.

Ta posible cu otro infeccion viral ta keda confundi pa griep. Pero Covid-19 ta parece di ta den reduccion, segun datonan di hospital y proyeccionnan modelo di CDC. Datonan disponible tambe ta sugeri otro malesa respiratorio, RSV, ta bahando nacionalmente.

Griep a forsa ceramento di scol na algun estado. Godley Independent School District, un sistema cu 3,200 estudiante cerca di Fort Worth, Texas, siman pasa a cera pa tres dia despues cu 650 estudiante y 60 miembro di personal tabata a.o. diamars.


Jeff Meador, un vocero di e distrito, a bisa cu e gran mayoria di malesa eynan tabata griep, plus algun infeccion di garganta. El a yam'e e pio temporada di griep cu e por corda.

Te awo e temporada aki, CDC ta calcula, tin al menos 24 miyon malesa di griep, 310mil hospitalisacion y 13mil morto – incluyendo al menos 57 mucha. Tradicionalmente, e peak di temporada di griep ta rond di februari.

En general, 43 estado a reporta actividad halto of hopi halto di griep siman pasa. Griep tabata mas intenso den estadonan sur, sur-occidente y occidente.

Na Rochester, New York, temporada di griep ta intenso pero no necesariamente pio cu e peak di otro añanan, segun Dr. Elizabeth Murray, un dokter di emergencia di medicina pediatrico na Centro Medico di Universidad di Rochester.

El a bisa cu tin hopi griep, pero tambe tin ainda hopi



RSV y un cantidad sorprendente di baby cu Covid-19. “Tur e malesa respiratorio ta circulando pisa,” Murray a agrega.

CDC a nenga di permiti un reportero di AP papia cu un experto di griep di e agencia tocante e tendencianan recien. Administracion di presidente Mericano, Donald Trump a ordena un “pausa” temporal riba comunicacion di agencia di salud y a continua rechasando solicitud pa entrevista cu rutinariamente tabata aproba den pasado.

Diabierna tardi, un vocero di CDC a reconoce cu e datonan nobo ta muestra “e balor absoluto mas halto” di malesa manera griep compara cu otro temporadanan, pero a agrega cu e estadistica ta complica: e balor ey ta referi un calculacion base pa bishita na dokter, pero e base ta re-calcula cada aña. Na fin di januari, CDC tabata describiendo e temporada como “modera” den severidad.

Oficialnan di salud Mericano ta recomenda pa tur persona mayor di 6 luna ricibi un vacuna anual di griep. Alrededor di 44 porciento di adulto a ricibi un vacuna di griep e winter aki, igual cu winter pasa. Pero cobertura entre mucha ta hopi abao, alrededor di 45% e winter aki. Segun datonan di CDC, usualmente ta alrededor di 50%.

Alrededor di 23% di adulto na Merca tabatin nan vacuna di Covid-19 al dia te cu fin di januari, un aumento for di alrededor di 20% na e mesun

punto aña pasa. Tasa di vacunacion di Covid-19 pa mu-

cha tabata mas o menos igual, alrededor di 12%.

Gobierno ainda no a reporta su calculacion di con bon e vacuna di griep ta trahando e temporada aki.

Resultadonan di test di pashent ta indica cu dos variante di griep temporal ta causando mayoria di malesa – un H1N1 Tipo A y un H3N2 Tipo A. Oficialnan di salud ta monitoreando un di tres variante di cerca – un griep aviar conoci como H5N1 Tipo A – cu a enferma miyones di animal, pero ta conoci di a infecta apenas 67 persona na Merca.

Pa evita virus di temporada, dokter ta bisa cu mester evita mishi bo wowo, nanishi y boca pasobra germen por plama di e manera aki. Tambe mester laba man cu awa y habon, haci limpi e superficiencia cu ta toca frecuentemente, y evita contacto cercano cu hende cu ta malo.

ELMAR

TERESITA CENTER

TOWN HALL MEETING 2
SAN NICOLAS
INVITACION

Topico
• Renobacion di oficina di ELMAR na San Nicolas

Fecha: Diamars, 11 di februari 2025
Luga: Teresita Center
Orario: 7:00 PM - 9:00 PM

Corso: Curasonnan kibra na Punda

(Curacao.nu) - E famoso Punda Love Hearts a cay. Segun Downtown Management Organization (DMO), cu ta maneha e centro di ciudad, no ta roest, pero e peso pisa di tur e candalnan ta e causa.

Rond di 10or di mainta, e curasonnan, traha pa e artista Carlos Blaaker, a cuminsa cay gradualmente. Niun hende a ser herida. E prome curason original, cu a ser instala na 2017, a cuminsa los di e vloer. E pia di un otro curason grandi a kibra y na un di e curasonnan mas chikito,



e palo a dobla.

Segun DMO, e obranan di

arte ta traha di metal inoxidable galvanisa y ta parce cu

ta frustia, pero esey no ta e problema. Ken cu bay wak e obranan di mas cerca lo wak cu no tin hopi roest.

DMO ta spera cu diabierna, lo hala e obranan di arte. Pa haci esaki, probablemente lo tin mester di un truck. Debi na e hopi miles di candal, e peso ta considerabel. No ta sigur kico lo pasa cu e curasonnan, pero e ambicion ta pa reconstrui y pone nan bek. Cortando un par di e candalnan ta algo cu no por evita, aunke no ta un decision facil pa DMO. "E ta un simbolo di amor pa hopi hende. No por

simplemente tir'e afor asina," segun e miembro di DMO, Gerald van Ramesdonk.

Na 2017, e prome Punda Love Heart a ser instala pa e artista Carlos Blaaker, cu e meta pa parehanan pone un candal. E inspiracion pa esaki a bini di e famoso Pont Neuf na Paris. Debi na e exito grandi di e curason na Corsou, a instala dos curason grandi y un chikito mas. Hopi turistanan ta conoce e curasonnan, hasta prome cu nan yegada na e isla. No tin duda di un regreso pronto di e curasonnan.

E futuro di Corsou den Reino segun partido PAR

(Curacao.nu) - E futuro di Corsou den Reino ta un tema cu ta pidi un bista critico y un manera di actua bon pensa, segun candidato di PAR pa parlamento, Michel Berry. Durante su bishita recien, Secretario di Estado, Zsolt Szabó, a enfatisa e importancia di gobernacion bon y un politica financiero solido como fundacion pa desaroyo sostenibel. Aunke e reforma den e Landspakketten a trece progreso, ainda tin hopi trabou pa haci.

Especialmente si ta trata di pensioen, cuido, y educacion, caminda e desafionan ta grandi. E pregunta ta con Corsou, hunto cu Hulanda,

por sigui un rumbo cu no ta solamente stimula crecemento economico, pero tambe ta den beneficio di e comunidad y su futuro den Reino.

Estudionan recien tocante Banco Central di Corsou y Sint-Maarten y di Aruba ta muestra cu gastonan pa pensioen, incluyendo pensioen di bieu y cuido di Corsou, no ta sostenibel. Corsou ta gasta mas y ta duna menos. Esaki ta nifica cu un agenda economico enfoca ariba expansion di crecemento y capital pa ganashi sostenibel ta necesario. Esaki ta cuminsa cu inversion den bon educacion.

Secretario di Estado Szabó a enfatisa cu awor mes mester pensa ariba con e reforma

por sigui di forma sostenibel despues di 2027, pa no perde e progreso logra pa falta di capacidad. PAR kier un dialogo tocante esaki cu Hulanda. Con den e Reino por traha pa un Corsou mas fuerte y sostenibel, y tambe Aruba y Sint-Maarten of mas amplio den e parti Caribeño di e Reino, pa beneficio di negoshinan Hulandes tambe. E punto principal ta cu semper ta pa beneficia e comunidad y ciudadanonan.

Ademas, e secretario di estado a indica cu e lucha contra corrupcion y fraude den gobernacion ta keda un punto importante den e agenda. Bon gobernacion y transparencia ta esencial pa confiansa y e desaroyo economico con-



tinua di Corsou.

Partido politico PAR ta para na banda di bon gobernacion y integridad. Pa logra esaki, mester sigui lucha contra corrupcion y fraude, y mester sigui inverti den integridad gubernamental, calidad di

educacion y cuido di salud, pa asina garantiza e futuro di Corsou y su pueblo. PAR no ta mira e reformanan como un meta riba su mes, sino como un medio pa fortalece y drecha e economia di Corsou.

Islanan BES lo reuni na Saba pa papia tocante futuro colaboracion



(Bonaire.nu) - Riba 12 di februari 2025, e consehonan insular di Boneiro, Sint Eustatius y Saba lo reuni na Saba pa e BES Top. Durante e encuentro aki, e islanan lo traha ariba un documento di colaboracion cu lo sirbi como base pa un cooperacion mas intensivo ariba varios tereno.

Ademas, lo discuti updates

di e revision di Ley di Organizacion Publico BES (WOLBES) y e Ley Financiero BES (FinBES), cu ta enfoca ariba e mehoracion di gobernacion y financia ariba e islanan.

Door di enfrente desafionan y oportunidadnan hunto, e islanan ta busca un colaboracion mas eficiente y sostenibel, cu ta contribui na e desaroyo y bienestar di e region.

Tendencianan preocupante visible den e 'Criminaliteitsbeeld' di Caribe Hulandes

(Bonaire.nu) - Cuerpo Policial di Caribe Hulandes (KPCN) a publica e analisis di e 'Criminaliteitsbeeld' (CBA) 2020-2024, un bista detaya ariba e desaroyo criminal na Boneiro, Sint Eustatius y Saba. E tercer edicion aki, completamente realisa pa analista di KPCN, ta sirbi como fundacion pa un enfoque strategico ariba seguridad y aplicacion di ley den Caribe Hulandes.

For di e analisis ta resulta tendencianan preocupante, manera un aumento den criminalidad hubenil, delitonan di violencia y incidente cu arma di candela. Criminalidad relaciona cu migracion, crimen cibernetico y delitonan ambiental tambe merece atencion. Criminalidad di trafico ta keda un reto. Aunke criminalidad patri-



monial ta bahando, tin preocupacion specifico, manera hortamento di scooter y robo den cas.

E CBA ta basa ariba datonan di KPCN y informacion di partnernan manera Ministerio Publico y Koninklijke Marechaussee. E meta ta pa identifica tendencianan di

criminalidad y pa desaroya strategia specifico.

KPCN ta enfatisa e importancia di colaboracion cu trahadornan di politica y cu e comunidad pa crea un lugar di biba sigur. Basa ariba e analisis, ta determinando prioridadnan strategico pa e añanan cu ta bin.

Corsou: Jefdaney Manuela corona como Reina di Tumba 2025

(Curacao.nu) – Jefdaney “J’Dey.M” Manuela a gana e titulo di Reina di Tumba 2025 cu su cancion Nos bida ta un Fiesta durante e Tumbafestival na Corsou. Cu su presentacion energetico y su voz poderoso, el a convence tanto e hurado como e publico, birando e ganadora di e 53 edicion di e festival.

Su victoria ta e resultado di añanan di dedicacion na musica y un amor profundo pa e tradicion di tumba di Corsou. Ya den januari di 2024, Manuela a ser informa cu su talento, energia y presencia ariba escenario e lo yega na victoria. “Bo tin un energia grandisimo y confiansa ariba escenario, y si no ta e aña

aki, lo bo ta Reina di Tumba pronto y mas biaha!” a ser bisa. E prediccion aki a bira realidad.

Pa Manuela, su victoria tin un significado extra special. Prome cu su presentacion, el a dedica su participacion na e legendario Mama Elia Isenia, e promer muher cu a gana e Tumbafestival—y esaki a pasa tres biaha. Den un reaccion emocional, Manuela a expresa su admiracion pa e caminda cu Isenia a habri pa artista femenino den musica di tumba. “Mama Elia, bo no ta solamente un nomber den historia. Bo ta un forsa di naturalesa, un luz di inspiracion y un voz cu a habri caminda pa nos tur.”



Cu e victoria aki, Jefdaney “J’Dey.M” Manuela ta marca su nomber den historia di musica di Corsou. Su can-

cion Nos bida ta un Fiesta no ta solamente refleha e caracter festivo di tumba, pero tambe e resistencia y optimismo di

e isla. Manuela ta demostra cu pasion, dedicacion y amor pa musica por yega na gran exito.

Hulanda: Mas hende ta ser diagnostica cu cancer, pero e posibilidad di sobrevivir ta aumentando tambe

(Nu.nl) – Durante Dia Mundial di Cancer na Hulanda, e pais a refleha ariba e impacto di cancer. E enfermedad ta ser diagnostica mas y mas, pero no tur hende cu ta haya e diagnostico ta fayece. E avance den deteccion tempran y metodo nobo di tratamento ta un factor importante pa e aumento di sobrevivencia.

Un di dos Hulandes ta haya cancer na algun momento di su bida, principalmente door cu nos ta bibando pa mas largo. E cantidad di diagnostico ta subi, pero e cantidad di morto ta subi menos duro. “Esaki ya caba ta bon progreso,” ta ser expresa pa Hans Gelderblom, hefe di departamento di Oncologia Medico na Leids Universitair Medisch Centrum.

Durante e añanan cu a pasa, hopi a ser logra pa contribui pa hende fayece menos liher di cancer. Asina ta spera cu pa cada dos di tres pacient cu a haya cancer durante 2018-2022 lo keda bibo pa por lo menos 5 aña despues di nan diagnostico. Un mehoracion di dos por ciento mas cu e periodo di 2013-2017, segun Integraal cancercentrum Nederland (IKNL).

IKNL ta observando mehoracion den e posibilidad di sobrevivir cancer di pulmon, cancer di riñon, cancer di stoma, cancer di garganta, y cancernan hematologico. Gelderblom tambe ta men-



ciona avance pa cancer di tripa y cancer di cuero.

Sorto di cancer y deteccion No tur tipo di cancer ta igual pa trata. Por ehempel, cancer di alvelesklier ta sumamente dificil pa trata. Aparte di esey, ta depende den ki estado e cancer ta ser encontra. Profesor y miembro di IKNL Thijs Merkx ta splica tambe cu cancer ta mas prevalente den hende cu ta den nivel social-economico abou.

Mehorando deteccion Un aumento den posibilidad di sobrevivir cancer ta cuminsa na deteccion. Investigacionnan poblacional ta yudando pa logra esaki. “Bo ta haya tumor mas trempan y den un estado mas abou, locual ta duna bo un mihor oportunidad di cura.” Cancer di tripa ta un bon

ehempel di esaki. Pa detecta esaki, ta haci un test di ‘ontlasting’ cu hende entre 55 te cu 75 aña. E metodo aki ta yuda pa detecta e cancer mas trempan y haci e tratamiento mas efectivo. Hulanda ta sobresali compara cu otro pais Europeo den investigacion poblacional, segun Thijs Merkx, presidente di IKNL. Pero, e cantidad di Hulandes cu ta participa den investigacionnan ta abou, y esey ta un problema. Si hende no participa, tin e posibilidad cu cancer ta ser detecta mucho laat.

Ora ta trata di investigacionnan di poblacion, tambe ta tene cuenta cu edad. Na dado momento, e probabilidad di muri di otro causa cu ta cancer ta crece. E momento aki no ta util pa investiga si un persona tin cancer, y ricibi

tratamiento no necesario.

Medicina nobo y mas tratamiento Aparte di deteccion mas trempan, tin mas medicina y mas opcion di tratamiento. Terapia inmunologico a haci un gran avance, specialmente pa cancer di pecho y cancer di cuero. Cu terapia inmunologico, e sistema inmuun ta ser fortalece pa por ataca cel di cancer mihor. Desaroyo den e area aki ta continua.

Otro beneficio ta cu operacionnan y radiacion no semper ta necesario mas. Ora operacion ta necesario, nan ta mas chikito. “Nos tin cu ta menos agresivo,” Gelderblom ta declara. Antes, por ehempel, e cirugia di cancer di pecho tabata envolver saca tur cos incluyendo musculo. Esaki no ta pasa mas. Y si ta

necesario pa haya radioterapia, e ta mas precies. Gelderblom ta bisa cu nos ta “mas inteligente cu tratamiento”. E cantidad di “tratamiento personalisa” ta aumentando. Por ehempel, lo por determina cua tratamiento ta traha mihor pa un persona segun material genetico di un tumor. Aki tin oportunidadnan pa futuro.

Mas eficiente cu medicina, pero prevencion ta futuro Merkx ta pone enfasis cu uso di medicina ta ser haci na un manera mas eficiente. “Cuminsa mas laat y cu dosis mas abou ta mesun efectivo cu menos efecto secundario.” E ta hopi positivo ariba e cooperacion entre Hulanda y Europa.

Cooperacion ta crucial pa futuro, pa asina por trata e cantidad di pacient di cancer cu ta sigui aumenta. Merkx ta bisa cu, “nos no ta bay traha mas hospital y no lo educa mas especialista”. Cancer lo mester ta trata na un manera mas sabi y eficiente.

Pero prevencion di cancer ta mihor cu tur medicina y tratamiento. “Pone atencion na prevencion,” Merkx ta resalta.

Usa proteccion solar pa disminui riesgo di cancer di cuero, stop di huma ta yuda contra 9 tipo di cancer. Gelderblom ta agrega, “Si nos no huma ni vape mas, nos por logra 50% menos diagnostico di cancer.”

Ecuador a prepara pa eleccion, cu un presidente conservador y un abogado iskierdista liderando

(AP) – Ecuador a prepara pa un eleccion presidencial, cu ta bira un repeticion di e eleccion di 2023, unda henter pueblo a scoge un miyonario hoben conservador, Daniel Noboa, en bes di e president iskierdista, Luisa González. Presidente Daniel Noboa y Luisa González ta e candidatonan liderando entre un grupo di 16 candidato. Tur ta priminti di reduci criminalidad.



E aumento di criminalidad na Ecuador ta relaciona cu e trafico di cocaina, cu ta ser produci den paisnan bisña Colombia y Peru. Hopi votador ta victima di criminalidad y nan perdida personal y perdida colectivo lo influencia ken lo goberna e pais. E eleccion lo determina ken lo ta e tercer presidente den 4 año of si Noboa merece mas tempo den oficina.

Mas cu 13.7 miyon di persona ta eligibel pa vota. Pa logra gana na e prome ronda, un candidato mester tin 50% di

e voto of al menos 40% cu un diferencia di 10 punto contra e candidato mas cerca. Si ta necesario, un segundo ronda lo tuma luga na 13 di april.

Noboa y su lucha contra criminalidad Noboa, 37, ta un heredero di un fortuna basa ariba e comercio di bacoba. El a cuminsa su carera organisando eventonan cu 18 año, y despues a uni cu Noboa Corp di su tata, unda el a tuma un posicion di maneho den logistica y comercio. Su carera politico a cuminsa na 2021, unda el a

logra un asiento den e Asamblea Nacional y forma parti di e comision di desaroyo economico.

Bao di su presidencia, e cantidad di homicidio a baha di 46.18 pa 100,000 persona den 2023 na 38.76 pa 100,000 persona den 2024. A pesar di esaki, e cantidad ta hopi mas halto cu 6.85 pa 100,000 persona den 2019. Algun di su strategianan pa lucha contra criminalidad a ricibi critica, nacional como internacional, pasobra e ta pone e limite di ley y e normanan di goberna-

cion na prueba.

A pesar di critica, su estilo di lucha contra criminalidad ta gana hopi apoyo di hopi votador tambe, specialmente esnan cu ta sinti e situacion di seguridad di e pais ta alarmante. “Mi voto ta bay pa Noboa pa su habilidad y su confrontacion directo cu gruponan arma y di trafico di droga y corrupcion” Pablo Votruba a bisa, un dokter retira di Quito.

González y su enfoque pa un solucion contra criminalidad González, 47, a ocupa varios cargo den gobierno durante e presidencia di Correa, cu a lidera Ecuador desde 2007 te cu 2017 cu politica social conservador pero a crece cada bes mas autoritario den su ultimo año como presidente. Correa a ser sentencia pa prison na 2020 den un scandal di corrupcion.

González a sirbi como un miembro di e Asamblea Nacional di 2021 te cu mei di 2023, ora Lasso a disolve e

Asamblea. E no tabata conoci pa hopi votador te ora Correa su partido a scoge González pa ta un candidato presidencial.

Sinembargo, hopi no ta kere mucho lo cambia. Estudiante di arkitektura Keila Torres ta warda su turno pa vota, pero no a dicidi ainda pa ken e lo vota. Torres ta expresa cu ningun candidato lo por baha e criminalidad na Ecuador, pa causa di corrupcion profundo den gobierno.

“Si mi tabata por, mi no lo ta aki” Torres a bisa, cu tabata testigo di tres robo den bus publico durante e 4 año cu a pasa, y apenas a scapa di un intento di robo di su auto na December. “Nada no lo cambia.”

Torres a agrega cu criminalidad ta afecta su estudio pasobra gang den su barrio ta ataca cualkier persona ariba caya despues di 10or di anochi, cual a lag’e skip varios les anochi pa no ser ataca.

Presidente di Chile ta ordena toque di keda como parti di estado di emergencia pa candela forestal

(AP) – Diasabra, Presidente di Chile, Gabriel Boric a emiti decreto di estado di emergencia pa dos region den centro y sur di e pais debido na menasa di candela forestal feroz.

El a indica cu e medida pa Nuble y Maule, cu ta orienta pa salba boske, tereno, cas y bida humano, lo inclui un toque di keda pa permiti autoridadnan pa enfrenta e posibel acto criminal.

Durante un conferencia di prensa na e palacio presidencial, Boric a declara cu e tin “motibo pa kere cu un gran parti di e candelanan cu ta afectando e area di Araucanía awo (sur di e capital Santiago) tabata delibera.”

“No nos ta tolera comportacion di hende of organisacion cu ta realisa e tipo di actonan aki,” Boric a agrega.

Autoridad local ta bisa cu tin aproximadamente 15 candela

activo awor na Chile, cu a bira pio debi na e temperatura pafor di mas cu 40 grado Celsius (104 Fahrenheit).

Mas cu 60 aresto a ser realiza recientemente relaciona cu e candelanan forestal den area di Araucanía, segun autoridad local.

Año pasa, decenas di hende a muri y mas cu 1,000 cas a keda destrui debido na candelanan feroz den e region di Valparaíso.



Accidente cu bus na sur di Mexico a causa 41 morto

(Reuters) – Un accidente di trafico cu un bus na sur di Mexico, cu a tuma lugar na oranan trempan diasabra, a mata 41 persona, e gobierno di estado Tabasco a bisa den un declaracion.

E bus, cu tabata carga 48 persona, a dal den un truck, resultando den e fayecimento di 38 pasahero y dos conductor, autoridadnan local a bisa, añadiendo cu e conductor di e truck tambe a fayece. Imagennan ta mostra con e bus a keda totalmente kima despues di e candela cu a sur-

gi pa e colision, cu solamente e skelet di e frame di metal a keda.

“Te awor, solamente 18 cadaver a ser confirma, pero hopi mas falta,” un fuente di seguridad di Tabasco a bisa bou di condicion di anonimidad, agregando cu trabou di recuperacion ta continua.

Operador di bus Tours Acosta a bisa cu e “ta profundamente lamenta locual a pasa,” den un post ariba Facebook, agregando cu e ta e trahando cu e autoridadnan pa por sa loke a pasa y si e bus tabata coriendo mucho duro.



Cuba: Secretario di Seguridad Interno di Trump ta bishita Guantanamo

(CiberCuba) - Secretario di Seguridad Interno di Merca, Kristi Noem, nombra pa presidente Donald Trump, a haci un bishita oficial na e base naval di Guantanamo na e punta zuidoost di Cuba, caminda el a emiti advertencianan fuerte na migrantenan cu ta purba drenta e pais ilegalmente.

Papiando na e instalacion, cu ta conoci pa aloha detencionan considera sumamente peligroso, Noem a bisa: "Presidente Donald Trump a bisa for di comienso cu criminalnan ilegal no tin luga den nos patria. E ta cumpli cu su promesa."

Durante su gira, e oficial a enfatisa cu e base ta ser usa pa detene inmigrantenan ilegal cu ta forma un menasa grandi, refiriendo na nan como "lo peor de lo peor."

E bishita ta tuma luga memey di e decision recien di e gobierno di Trump pa expande e instalacionnan di Guantanamo Bay pa acapara te cu 30



mil migrante, un movimiento cu a lanta controversia y critica di organisacionnan di derechonan humano.

E expansion di capacidad di detencion na Guantanamo ta parti di un serie di accionnan implementa pa gobierno pa reforsa seguridad di frontera y enforsa politicanan di inmigracion.

E medidanan aki ta inclui

permiso pa autoridadnan di inmigracion pa detene inmigrantenan pa crimennan menor prome cu nan a ser condena, y tambe revoca status di proteha temporal pa cierto gruponan di migrante.

Den liña cu e politica aki, gobierno Mericano a cuminsa traslada migrantenan deteni riba su teritorio pa e base di Guantanamo.

E prome vuelo cu ta carga

migrantenan aresta na Merca a yega recientemente na e facilidad, y ta premira cu mas transferencia lo sigui den e proximo simannan.

Adicionalmente, un di dos vuelo cu ta transporta migrantenan Venezolano a ser manda pa Guantanamo, loke ta enfatisa e enfoka di e administracion di Trump pa cu detencion di migrante na e instalacion.

Segun informacion di e Secretario di Seguridad Nacional, tabatin "criminalnan peligroso" riba e vuelo, ken denan el a describi manera "miembronan di gang Venezolano". E funcionario a indica cu "algun di su crimennan ta inclui: homicidio confesa, e ta ser busca na Venezuela pa huy di prizon y pa atraco arma/intento di homicidio agrava, traficacion di arma, atraco, distribucion di droga peligroso, asalto y fraude pa medio di ladronia di identidat."

Kristi Noem, anteriormente gobernador di South Dakota di 2019 pa 2025 prome cu el a asumi su posicion actual, a dirigi operacionnan na gran escala enfoca riba detencion di inmigrantenan indocumenta cu antecedente penal.

Na januari 2025, el a dirigi un serie di operacion na New York, durante cual el a defende e accionnan di autoridadnan y a usa frasenan controversial cu a lanta indignacion den varios sector.

Puerto Rico: Lidernan feminista ta exige accion cla di Departamento di Husticia

(ElNuevoDia) - Lidernan feminista a critica Departamento di Husticia pa no a provee fondonan na organisacionnan sin fin di lucro di e Comision disolvi pa Prevencion, Sosten, Rescate y Educacion di Violencia di Genero (Comite PARE), despues di acusacionnan recien di deficiencianan di e Oficina di Contraloria, mientras cu e instancia a bisa cu el a tuma accion "activo" pa atende e acusacionnan.

Pa Vilma González Castro, director ehecutivo di Coordinadora Paz para las Mujeres (Coordinador pa Pas pa Hende Muhe) – ken tabata miembro di e Comite PARE – e comentarionan di Oficina di Contraloria no ta un sorpresa, ya cu el a indica cu "tabatin varios situacion" durante añanan relaciona cu e cambio y reduccion den vigilancia di Husticia "y con instrucionnan ta duna na e persona di husticia cu no ta keda cla pa e organisacionnan."

"E organisacionnan cu tabata forma parti di e Comite di PARE a pidi pa e fondonan



ser traslada pa OPM (Oficina di Abogado di Hende Muhe), hustamente pa evita e situacion aki den e Departamento di Husticia, pasobra e organisacionnan ya a identifica retraso y problemanan den e distribucion di e fondonan," González Castro a bisa.

Diaranson, Oficina di Contraloria a revela cu analistanan di Husticia encarga cu evaluacion y monitoreo di e fondonan di e Comite PARE "no a verifica e cumplimiento di e entidadnan ricibi cu e guianan estableci pa e pago y supervision di e fondonan."

E periodo di auditoria tabata di 1 di juli 2019 te cu 30 di juni 2024, segun e rapport firma pa Controlaria Yesmín Valdivieso.

"Un muestra di e \$2 milyon aloca pa sostene organisacionnan sin fin di lucro a revela cu analistanan no a logra sigura cu e archivonan tabata completo, a valida evidencia di cuater profesional sin contrato formal, of a acepta rapportnan di asistencia cu no a ser firma of certifica pa e entidad, entre otro resultadonan," e rapport a bisa.

Di otro banda, e ta declara cu e analistanan "a acepta evidencia di pagonan di un entidad pa gastonan ineligibel, manera servicionan cubri pa un otro subsidio, servicionan di psicologia factura dos biaha y paga cu fondonan di PARE y cu un otro subsidio, of pago dobel na un cushina."

Di su banda, Amárilis Pagán a argumenta cu e subsidionan referi na dje den e rapport a ser duna den cuadro di e "recorte substancial den fondonan federal aloca na servicio di victima di crimen" cu e Departamento di Husticia a sufrí na 2021, y cu a afecta e donacionnan cu e instancia a haci na organisacionnan cu a sirbi victimanan di violencia di genero.

"E \$2 milyon aloca pa PARE tabata destina pa compensa e perdida di fondo aki pa asina por sigui ofrece servicio. Sinembargo, e experiencia cu e Departamento di Husticia tabata hopi difícil for di comienso. De hecho, organisacionnan mester a warda lunas pa financiamiento ser otorga y paga. "Loke hopi di nos a percibi e tempo ey tabata cu

e Departamento di Husticia no tabatin e infraestructura administrativo pa mancha e fondonan efectivamente," Pagán a bisa.

Den un declaracion por escrito, e Secretario di Husticia designa, Janet Parra Mercado, a informa cu e instancia a tuma "accionnan corectivo" pa atende e acusacionnan di e Contraloria.

"Asina cu mi a haya sa di e incidente, mi a reuni cu e ekipo pa atende e acusacionnan mesora. Pa e motibo aki, Departamento di Husticia lo implementa e accionnan corectivo apropia pa drecha e deficiencianan notga, pa asina sigura cu e otorgamento y monitoreo di fondonan ta alinea cu e normanan mas halto di eficiencia", asina e funcionario a bisa.



Amistad di A\$AP Rocky ta testigua cu el a dispara un arma di mentira y no di berdad

(AP) - A\$AP Rocky su amigo di hopi tempo y co-laborador a testigua na su huicio na Los Angeles dia-bierna cu e rapper a dispara un arma di candela falso cu e tabata carga durante un discusion cu ex amigo den 2021.

E testimonio di e homber cu ta yama A\$AP Twelvyy - ken tambe ta forma parti di e mesun ekipo cu e acusador y acusado - ta esencial pa Rocky su defensa contra dos cargo di agresion cu arma dicandela. Un condena cu por nifica te hasta 24 aña den prizon.

“E tabata cana rond cu un arma di mentira, manera un pistol pa principiante,” Twelvyy a bisa, mirando hurado. “Mi a mir’e den varios ocasion.”

Rocky su partner, Rihanna, a bolbe corte pa e ultimo parti di e dia diahuebs y pa prome biaha nan a sali for di corte hunto.

Twelvyy su testimonio ta sugeri cu Rocky su acusador, nan amigo mutuo cu ta yama A\$AP Relli, tabata sa cu e pistol no tabata di berdad ora cu Rocky a saca esaki. “El a bis’e pa dispara e arma falso ey,” Twelvyy a bisa ora e tabata ser investiga bao defen-sa. Twelvyy a sigui testigua cu ora cu Rocky a dispara e arma, esaki tabata pa evita cu Relli no ataca un di 4 miembro di e grupo na e escena, A\$AP Illz.

Deputy District Attorney John Lewin a bay contra esaki



durante su examinacion.

“Bo por splica’ mi,” el a puntra, “con saca un arma cu Relli tabata sa ta falso lo actua como prevencion na algo?” na cual Twelvyy a contesta “e onido.”

“E zonido,” Lewin a ripiti incredulamente. “Bo pro splica con e zonido di un arma cu hende sa ta falso y no di berdad lo spanta un hende?”, na cual Twelvyy a splica cu e ta asina “duro cu bo ta pensa e ta un tiro di berdad y ta hala.”

A\$AP ta un ekipo di musico y otro creadornan cu a forma na scol di New York casi 20 aña atras. Sinembargo un miembro so, Rocky, a mira exito den comienso di aña 2010 cu un par di album No.1. Desde e tempo aki el a ricibi 3 nominacion pa Grammy, sinembargo a ser conoci mas tanto pa su rol den moda y su relacion cu Rihanna, cu ken e tin 2 yiu homber

Twelvyy, un rapper ken su nomber legal ta Jamel Phil-

lips, a actua como un ‘hype man’ riba escenario pa Rocky y a aparece den su videonan muscail

El a bisa cu el a mira Rocky cu e arma en cuestion 3 biaha, prome na grabacion di video musical na New York den 2021 y na fiesta di Harlem den september di e aña aki y despues un biaha mas na Los Angeles poco prome cu e incidente dia 6 di november.

“Esaki a sucede den era di COVID, pues e no tabatin personal di seguridad,” Twelvyy a testigua. “Esaki tabata basicamente su linea di defensa.”

Lewin despues a puntre con e tabata por sa cu e ta un arma falso den prome luga, y con e tabata sa cu esun cu el a saca na Los Angeles tabata esun cu el a mira anteriormente. “El a bis’a mi y mi a mir’e,” Twelvyy a contesta.

Rocky y Relli su relacion tabata uno cu tabata birando cada biaha mas hostil y nan a topa e anochi ey despues cu Rocky a duna un show. Twelvyy yllz tabata compa-ñando Rocky.

Twelvyy a nenga Relli su testimonio cu Rocky tabata e prome cu a cuminsa pleita fisicamente, bisando cu Rocky a apunta e arma na su cabes y stoma y Twelvyy a saca un cuchiu. Ambos banda ta di acuerdo cu Rocky y su dos compañero a cana bay despues di e discusion inicial, pero Relli a sigui nan



y despues a los tiro. Relli a testigua cu e arma a raspa su knuckle pero di otro forma no a ser fisicamente herida.

E idea cu Rocky a dispara un arma falso a ser revela - incluyendo na hues y fiscalnan - riba e dia cu seleccion di hurado a cuminsa dos siman atras.

Twelvyy ta marca e prome testigo cu defensa a trece dilanti despues cu fiscal a presenta su caso diahuebs.

Lewin a menciona Rihanna den su preguntanan, punt-rando si e y Rocky por destrui

Twelvyy si e no conta e storia manera nan kier. “E ta bo testimonio cu si e acusado y su pareha Rihanna tabata mal contento cu bo, nan no tin e habilidad di impacta bo carera den cualkier manera?” Lewin a puntra.

Twelvyy a contesta cu e ta “un artista. Mi por cuminsa un carera nobo mañan. Mi por hasta bira un pintor.” El a nenga cu su testimonio ta pa beneficia Rocky.

“Mi no ta purbando di yud’e den e caso,” el a expresa. “Mi tabata presente. Mi sa e berdad.”

Violin di Stradivari crea den 1714 ta bende pa 11.3 miyon dollar den subasta

(AP) - Un violin crea den 1714 pa e legendario Antonio Stradivari a bende pa 11.3 miyon dollar na un subasta den New York dia-bierna, un poco leu di loke calculacionnan ta bisa lo a haci esaki un di e instrumentonan mas caro cu a yega di bende.

Sotheby’s Auction House a calcula cu e violin “Joachim-Ma Stradivarius” por bende pa entre 12 pa 18 miyon dollar, cu e banda mas halto di e rango posiblemente surpassando e prijs record di 15.9 miyon dollar cu un hende a paga pa otro violin di Stradivari na un subasta mas di un decada atras.



“Joachim-Ma Stradivarius” ta considera un di Stradivari su miho arte, crea durante su “periodo di oro” na e punto mas halto di su carera, segun e cas di subasta.

Agregando na e intriga, e violin aparentemente a influencia compotiro legendario Johannes Brahms ora cu el a skirbi e famoso “Violin Concerto in D Major” y a ser usa



durante e ocncierto su premiere den 1879.

“E violin extraordinario aki ta representa e punto mas halto di creacion y historia di mu-

sica, su zonido inigualabel a cautiva coleccionistanan y musiconan por igual,” Maria-Caludia Jimenez, presidente di Sotheby’s a comenta.

David Schwimmer ta urgi Elon Musk suspende cuenta di Kanye riba X; “silencio ta complicidad”



(TMZ) - David Schwimmer ta urgi Elon Musk suspende e cuenta di Kanye West riba e plataforma X despues di e rapper su publicacionnan contro-versial riba e plataforma.

Kanye West tin 32.7 miyon siguido riba bo plataforma. Esaki ta dobel e cantidad di Hudiu cu ta existi. Su palabranan di odio ta resulta den violencia den bida real contra Hudiunan.”

E actor di “Friends” a bay Instagram diasabra criticando Musk y e plataforma pa duna Ye un luga unda e por plama mensahenan di odio cu ta peligroso den bista di Ye su publicacionnan unda e ta declara cu e identifica como un Nazi, declarando cu tin meta di “normalisa papia tocante Hitler”, publicando “Hitler is soooo fresh.”

El a conclui bisando cu e no sa “kico ta pio, e hecho cu e ta identifica como Nazi (cual ta implica cu e kier exterminar TUR comunidad marginalisa incluyendo di su mes) of e hecho cu no tin suficiente disgusto pa kita y prohibi su persona di tur red social aworaki. Silencio ta complicidad.”

David Schwimmer a publica “esaki ta hopi 2022. Nos no por stop un persona cu su cabs no ta bon di expresa palabranan yen di odio y ignorante, pero nos POR stop di amplia su bos, Mr. Musk,

Te ainda ni Musk ni X no a suspende e cuenta di Ye for di e plataforma, sinembargo Musk a stop di sigui Kanye su cuenta.

Potret di TMZ

Randy Moss ta haci un regreso emocional na set di ESPN despues di tratamento pa cancer



(AP) - Randy Moss, ken ta miembro di Hall of Fame, a haci un regreso emocional na ESPN su cobertura di Super Bowl diadomingo, dos luna despues cu e mester a tuma vakantie di su trabao pa ricibi tratamiento pa cancer.

Moss a regresa na ESPN su “Sunday NFL Countdown” prome cu Kansas City a hunga contra Philadelphia den Super Bowl. El a haya bon bini cu un video cu a inclui mensahe di Tom Brady, Bill Belichick, Justin Jefferson, Kevin Garnett y varios otro nomber grandi ta dun’e bon bini na set di ESPN.

Moss a ser conmovi y lagrima a cay prome cu el a sigui cu su trabao, cual ta di analisa Super Bowl. “E tabata dificil, pero mi a haya hopi amor y tambe hopi hende cu ta kere den mi,” el a bisa. “Mi ta contento di ta aki.”

Moss a bay na vakantie for di ESPN den comienso di december despues di a ser opera pa cancer. El a bisa na e tempo aki cu a haya un bala di cancer den su curpa, entre su pancreas y su higra. El a bisa cu e operacion tabata na su higra y despues el a haya un procedura di 6 ora pa kita e cancer. Tambe el a ricibi radiacion y kimoterapia.

Moss tabata un persona fijo di ESPN desde aña 2016. Moss, ken ta cumpli 48 aña diahuebs, a ser introduci den Pro Football Hall of Fame

den 2018 despues di a hunga 14 temporada cu Vikings, Raiders Patriots, Titans y 49ers.

Mopss ta den di dos luga den historia di NFL cu 156 touchdown catch. El a crea un record di NFL tambe den 2007 pa Patriots.



Gran Clasico Internacional - Un Gran Exito

Replica y Secreto a bira e Gran Campeonnan

E fin di siman tras di lomba a tuma lugar e “Gran Clasico Internacional” di cabay na Villa Floralina. Un total di 18 cabay a bin di Corsou pa competi ferozmente contra cabaynan di Aruba. Un publico grandi y anima a gosa di e bataya entre e cabaynan, cu a ser husga pa e hues veterano di Bogota, Mauricio Camacho.

E feria a duna un fuerte indicacion cu e deporte di cabay a drenta un era nobo, cu hopi animo y hopi expectativa.

Den e categoria di macho paso fino tabatin un fuerte disputa pa e titulo di Gran Campeon y finalmente “Secreto de Magico” di famia Michael de Cuba a gana di “Sueño Dorado” di Ricky Winkel di Corsou den e final emocionante, bou grito y aplauso di e fanaticonan di Aruba.

Den yegua tambe e final a



bira un di hopi emocion. ‘Replica de la Trocha’ pa gran alegria di su doño Giyo Martina di Corsou a bira e Gran Campeon, ganando “Azucarada de San Isidro” di Criadero Alma.

Di e forma aki e 2 premionan maximo a keda bunita reparti entre e islanan.

Den e modalidad di trocha “Herederero del Rey” di Villa Floralina a bira e Gran Campeon y e mesun criadero tambe a gana e competen-

cia di trote & galope cu nan ehemplar “Conquistador de Villa Floralina”. Bunita pa mira cu crianan local ta alcanzando un nivel asina halto.

Den cabaynan hoben di paso fino tabata un placer pa mira con “El Junior” di Floralina a bira e campeón den potro, mientras cu “Picamimosa” di Jowey Velasquez di Corsou a ricibi e mesun corona, pero den potranca. E mihor potro fino den proceso cu a debuta den e feria aki a bira un yiu di “Secreto”, “Zafiro Azul” di



Rancho Monte Azul.

E mihor Capon di e feria tabata “Polvo Robado” di famia Magdalena di Corsou. Den competencia di cabaynan di paseo, “Chiquinquira de la Mecanica” di Fernando Lewis a bay cu e gran titulo den paso fino, mientras cu e mihor yewa di trocha paseo a bira “Bienvenida” di Famia Mouawad.

Durante e feria directiva di Organizacion Cabayista Arubano (OCA) a honra dos baluarte di Corsou. Earnie

Schoop tabatin un rol indispensable den e realizacion exitoso di e Gran Clasico, dedicando hopi ora pa tur cos a cana nechi regla pa e cabaynan di Corsou por a haci e biahe, danki na un donacion grandi y espontaneo di e compania “Don Andres”.

E segundo distincion di “Embahador di Bon Boluntad” a bay pa Stanley Ignacio, kende pa masha hopi aña a percura pa tin un bon relacion entre e dos islanan.

Stanley ta co-fundador di e federacion mundial “Confepaso”. Semper Stanley t’ey pa busca solucion ora cu cos pega.

E anochi di Diasabra a cera cu un baile masha anima cu musica di e banda “Vallenato Plus”.

Proximamente Aruba lo reciproca e bishita di Corsou y competi na nos hermana isla pa e deporte sigui crece.

Seleccion U-17 a yega Panama pa clasificacion Concacaf pa Mundial

Seleccion U-17 di Aruba a yega Panama pa asina awor ta completo hunto cu staff. E seleccion realisa nan prome training na stadion Yappy na Panama.

E prome training tabata 11am pa asina e seleccion custumbra un tiki cu weer cayente mirando Seleccion U-17 tin dos wega 4pm orario cu lo ta basta cayente y calor.

Tur wega lo ta stadion Rommel Fernandez Guterrez, un stadion cu tin un capacidad di 32mil hende.

Dialuna 10 Februari Aruba lo topa Republica Dominicana pa 4pm.

Aruba ta den Grupo G, hunto cu Panama, Republica Dominicana y Granada.

E seleccion ta consisti di 9 hungador di Aruba y 12 hungador di Hulanda:

Xhaiden Croes – RKS SV Spartaan ‘20
Ziyon Croes – SV Britannia
Enzo Cuhfus – Go Ahead Eagles
Mick Eman – Nacional Hubenil
Rony Geerman – SV La Fama
Gianno Jeroe – SC ‘T Zand
Noa Kolman – SV Britannia
Tayvery Marchen – TSC Oosterhout
Julius Martis – RKS SV Spartaan ‘20
Chevannyo McDowall – FC Eindhoven
Max Obispo – Almere City FC
Jaydrick Pannefleck – SV La Fama
Shayne Raphaela – SC Telstar
Evan Richardson – VV Nieuwerkerk
Jarred Rosenstand – SV Britannia
Jeanyl Sierra – SV Dakota
Lionel Spataro – RKS SV Spartaan ‘20
Jeremy Trimon – SV Britannia
Vijay Werleman – RKS SV Spartaan ‘20
Travis Wever – Nacional Hubenil
Tyron Zimmerman – FC Dordrecht



Defensor Spaño Sergio Ramos ta bisa e ta na Mexico pa gana mas trofeo



(AP) - E chens pa gana mas trofeo y hunga na proximo edicion di FIFA Club World Cup a convince defensor Spaño Sergio Ramos firma un acuerdo di 1 año cu Monterrey di Liga MX na Mexico.

Ramos, ken lo cumpli 39 año den maart, a ser introduci pa e club diadomingo.

“Mi no ta cansa di gana, pero mi no a bini aki pa papia tocante mi logronan,” Ramos a bisa na un conferencia di prensa na Monterrey, noord-oost di Mexico. “Nunca mi tabata aki, pero mi kier laga un legado na Mexico, mi no ta aki pa biaha, mi ta aki pa gana titulonnan nobo.”

Comunmente conoci como Rayados, Monterrey ta un di e clubnan mas economicamente poderoso den e pais. E ta un di e 3 ekipo Mexicano cu lo participa den e Club World Cup expandi cual lo tuma luga na Merca zomer proximo. E otro dos ta Leon y Pachuca.

Ademas di e liga domestico, Monterrey tambe lo competi den Champions Cup di CONCACAF.

“Su ekipo a mira un margen di crecemento grandi, nan lo hunga den torneo local y internacional,” Ramos a expresa. “E ta un bon momento pa mundo por conocebo.” El a agrega cu e tabata “un decision facil pa tuma.”



Ramon, ken ta parti di Spaña su ekipo cu a gana e Copa Mundial den 2010, no a hun-

ga un wega oficial desde mei di año pasa ora cu e tabata hungando pa Sevilla den e liga Spaño. E no ta preocupa



pa e desafio cu ta bin su dilanti. “Den futbol, edad no ta importa, bo resultadonan ta improta,” Ramos a com-

parti. “Pa bini aki despues di un carera largo ta demostra e hamber cu mi tin pa keda gana.”



PUBLIC AUCTION

THURSDAY
MARCH 13, 2025

On Thursday March 13, 2025 at 11 AM, at the Chamber of Commerce, Aruba, will be auctioned in public (*executoriale verkoop*) pursuant to art. 3:268 and 3:254 Civil Code of Aruba:

Sero Blanco 111

a residential house, on a full ownership property land of 1.615 m2, situated at Sero Blanco in Aruba, recorded in the Title Registry of Aruba as First Division Section P number 206.

Starting bid: Afl. 458.928,00



AUCTION NOTARY: T.R. JOHNSON

- The auction is subject to the general conditions for foreclosure auctions and special auction conditions which will be determined by civil law notary T.R. Johnson.
- Seller has the right to not accept any bid, at its sole discretion.
- The auction may be stopped or postponed at any time.
- Each bidder must submit a bank guarantee and/or letter of credit issued by a bank in Aruba to the amount of the highest bid increased with an amount equal to the auction costs.
- A signed and dated private bid can be submitted until, **February 26, 2025, at 5 PM**. A bidding form can be downloaded on our website.

For more information visit:
WWW.JOHNSONNOTARY.COM

Like
us on
Facebook

facebook.com/bondianoticia

Accidente hit & run den oranan di madruga na Sero Patrishi a laga basta daño atras



Diabierna madruga a drenta informe di un accidente na Sero Patrishi, mesora a dirigi un patruya na e sitio. Na yegada di e patruya a bin descubri cu e auto cu a ocasiona e accidente aki a bandona e sitio lagando basta daño atras. E chauffeur a dal e muraya di e cura kibra y tambe un meter di awa. E personal di W.E.B. mester a bini pa repara e meter di awa. Polis tin e caso aki bao investigacion.

Chauffeur a perde control y bay dal riba e muraya na e rotonde banda di Ling & Sons



Diabierna madruga a drenta informe di un accidente na e rotonde banda di Ling & Sons na Schotlandstraat, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda e chauffeur di un Nissan March a perde control y a bay dal riba e muraya riba e rotonde. E chauffeur mes a sali ileso pero su auto a keda na werki te cu takelwagen mester a kit'e for di eynan.

Fuse cu a bula den e area hotelero a laga algun hotel y negoshi sin coriente pa basta rato

Diabierna madruga a drenta informe di un interrupcion di suministro di coriente banda di area hotelero, mesora a dirigi e electricistanan di El-marNV pa atende cu e problema.

Despues di un investigacion a descubri cu ta un fuse a bula den e area ey cu a causa e interrupcion. Mesora nan a reemplasa e fuse y poco poco a switch tur cos pa normalidad.



Turista a cay for di bus mainta tempran dilanti airport

Diabierna mainta tempran a drenta informe di cu un persona lo a cay for di un bus dilanti airport y a fractura su pia, mesora a dirigi un ambulans na e sitio.

Na yegada di e ambulans nan a atende e persona pero ela prefera si bay cu auto particular pa hospital.



Accidente cu basta daño y un persona levemente herida na Dakota



Diabierna merdia a drenta informe di un accidente cu hende herida na Dakota, mesora a dirigi tanto polis como ambulans na e sitio.

Na yegada di e patruya a por a compronde cu aki ta trata di un accidente pa falta di preferencia entre un pick-up y un van. Debi na e impacto un persona a resulta levemente herida. Na yegada di e ambulans nan a atende e victima.

un accidente pa falta di preferencia entre un pick-up y un van. Debi na e impacto un persona a resulta levemente herida. Na yegada di e ambulans nan a atende e victima.

un accidente pa falta di preferencia entre un pick-up y un van. Debi na e impacto un persona a resulta levemente herida. Na yegada di e ambulans nan a atende e victima.

un accidente pa falta di preferencia entre un pick-up y un van. Debi na e impacto un persona a resulta levemente herida. Na yegada di e ambulans nan a atende e victima.

Balast di lus a cuminsa saca huma den oficina di fruteria

Diabierna mainta a drenta informe di cu tin acumulacion di huma den plafond na un fruteria na Oranjestad, mesora a dirigi tanto polis como bombero na e sitio.

Na yegada di e patruya a bin compronde cu aki ta trata di un balast cu a overheat y unabes cu nan a paga esaki e acumulacion di huma a stop. E lampi a ser kita y a bay over na cambia esaki.



Chauffeur cu celular cu waya den su man; e waya a lora pega riba e stuur y a bay dal 2 auto mas den parkinglot



Diabierna mainta a drenta informe di un accidente den parkinglot di C.M.B. Palm Beach, mesora a dirigi un patruya na e sitio.

Na yegada di e patruya a bin compronde cu aki un dama chauffeur den un Hyundai Accent saliendo for di e parkinglot cu su telefon cu waya

na dje a lora pega na e stuur y a bay dal no un pero 2 auto staciona, el a dal prome un MG ranca su bumper completo y despues dal un Kia

sportage rancando su plachi number.

Afortunadamente ningun hende a resulta herida.

Turista a corta bao su pia cu glas na un hotel na Palm Beach



Diabierna mainta a drenta informe di cu un dama turista lo a corta bao su pia cu glas, mesora a dirigi un ambulans na e sitio.

Na yegada di e ambulans nan a duna e dama prome auxilio y a atende pa e corta na su pia.

Accidente na e crusada Caya ing. Roland H. Lacle cu Van Leeuwenhoekstraat



Diabierna atardi a drenta informe di un accidente na e crusada Caya ing. Roland H. Lacle cu Van Leeuwenhoekstraat, mesora a dirigi un patruya na e sitio.

Na yegada di e patruya a bin compronde unda e Ford Focus biniendo for di nort a bira dilanti e Hyundai i 10 cual tabata bayendo nort y nan a dal den otro. Afortunadamente ningun hende a resulta herida.

Accidente ora un auto a kita pa otro na banda riba J.G. Emanstraat



Diabierna merdia a drenta informe di un accidente riba J.G. Emanstraat, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda un auto a bay desvia pa un otro y a bay dal den banda

di un otro auto pasando. Afortunadamente ningun hende a resulta herida.

Ambulans a bay na Bushiri Beach pa un turista cu tabata hayando ataka

Diabierna merdia a drenta informe di cu un turista ta hayando ataka na Bushiri Beach, mesora a dirigi ambulans na e sitio.

Na yegada di e ambulans nan

a cuminsa practica CPR cu e victima y a pidi pa un segundo unidad pa sigui cu e CPR. Na yegada di e segundo unidad nan a sali caminda pa hospital practicando CPR.



Chauffeur di un Nissan Tiida a dal un Toyota Yaris bir'e 180 grado na crusada cu J.G. Emanstraat



Diabierna mainta a drenta informe di un accidente na e crusada Emmastraat cu J.G. Emanstraat, me-

sora a dirigi un patruya na e sitio.

Na yegada di e patruya a bin

compronde cu aki ta trata di un accidente unda cu un Nissan Tiida biniendo for di Emmastraat no a duna preferen-

cia na e Toyota Yaris biniendo for di J.G. Emanstraat y a bay dal esaki bir'e 180 grado. Aunke e impacto tabata

fuerte afortunadamente ningun hende a resulta herida.

Bureau City Inspector no tin autoridad relaciona cu Ley di Cacho



Bureau City Inspector kier a informa cu, Bureau City Inspector no ta bevoegd pa cu e "HONDENVERORDENING" (ley di cachu).

Pa e hondenverordening ta indica esaki pa esnan cu ta bevoegd asina:

-Bevoegd gezag: de ambtenaren van politie alsmede de buitengewone agenten van politie, voor zover deze daartoe zijn aangesteld."

Di cual ambtenaar te Bureau City Inspector no ta poni den e pida ey, dus niun ambtenaar di Bureau City Inspector ta bevoegd pa atende cu cualkier keho di cachu.

Pa tur cu tin keho over di cachu, please tuma contact cu Polis di Bario, di e bario cu ta biba.

Spera di a informa debidamente.

Kick-off event: Wikipedia riba Aruba | Aruba riba Wikipedia

Forma parti di e proyecto inovativo di Wikipedia cu e meta pa inspira, educa y envolve comunidad di Aruba pa crea y comparti conocimiento riba Wikipedia.

Diaranson 13 di Februari 2025, Wikipedia riba Aruba lo lansa oficialmente cu un evento di apertura na Biblioteca Nacional Aruba. E proyecto aki, cu ta dura 18 luna, tin como meta pa educa e comunidad local riba e poder di Wikipedia, forma un comunidad activo pa comparti conocimiento, y muestra e herencia rico di Aruba riba un plataforma global.

Wikipedia Riba Aruba ta organisa door di Wikimedia Nederland den colaboracion cu Archivo Nacional Aruba, Biblioteca Nacional Aruba, Stichting Monumentenfonds and Union di Organisacionnan Cultural Arubano. E fondo pa e proyecto a wordo facilita door di Fonds Cultuurparticipatie.

Bou maneho di Wikimedian in Residence Ginelly Quandt, Project Lead Michelle van Lanschot y Project Coordinator Ricardo Arends, e iniciativa aki lo trece oportunidad na esnan interesa pa contribui conocimiento na Papiamento, y asina garantisca accesibilidad y representacion mas amplio di e cultura y historia di Aruba.

Informacion di Evento di Apertura
Fecha: Diaranson, 13 di Februari 2025

Lugar: Biblioteca Nacional Aruba

Ora: 6:00 PM - 8:00 PM

Durante e evento lo presenta tocante e proyecto, lo tiene un dialogo interactivo y duna informacion riba con comunidad por participa of ta involvi. Participantenan lo por siña con Wikipedia ta traha, e proceso di credibilidad y verificacion, y con nan por contribui cu articulo den Papiamento of añadi imagenan di uso liber na Wikimedia Commons.



Tocante Wikipedia riba Aruba

E proyecto di Wikipedia riba Aruba ta dedica pa hasi conocimiento tocante Aruba accesibel pa mundo henter. E ta enfoca riba:

Educa tocante e importancia di Wikipedia pa preserva y promove e herencia di Aruba. Inspira hende pa skirbi y documenta e historia y informacion rico di Aruba den nos idioma nativo riba Wikipedia, creando un impacto duradero.

Forma un comunidad di contribuyente apasiona cu lo skirbi y comparti conocimiento den Papiamento.


Subi imagenan y contenido liber tocante e cultura, lugarnan emblematico y historia di Aruba.

Traha hunto cu organisacionnan di herencia cultural pa pone nan conocimiento y coleccionnan disponible riba plataforma di Wikimedia.

























Dicon Esaki Ta Importante? Aruba tin un herencia cultural rico cu merece wordo reconoci globalmente. Sinembargo, hopi di su historia, tradicion y conocimiento ainda no ta representa na plataforma digital accesibel manera Wikipedia. Door di duna poder na nos comunidad local pa contribui den Wikipedia na Papiamento, e iniciativa aki ta garantisca cu e historia di Aruba ta wordo conta den un manera autentico y ta keda accesibel pa futuro generacion nan.


Un Invitacion pa Tur Nos ta invita e comunidad di Aruba pa asisti na nos evento di apertura y tuma parti di e movecion emocionante aki. Si bo ta apasiona tocante herencia di Aruba, interesa pa contribui conocimiento, of simplemente ta curioso pa siña mas—e proyecto aki ta pa bo!


Pa mas informacion, por tuma contacto cu nos na wikipediaonaruba@wikimedia.nl.


Resultado Sorteo 08 y 09 februari 2025				
Cadena Alexander Lottery ta presenta resultado di weganan di suerte				
DIARIO		KORSOU	SUPER4	FLAMINGO
7971		1156	7840	2111
4564		4742	SUPER5	0802
1024		9122	-	8002



DIADOMINGO			
DIARIO	KORSOU	SUPER4	FLAMINGO
-3838	9762	1918	3300
1791	3579	SUPER5	1947
2689	0860	-	1647

MERDIA		ANOCHI		DIADOMINGO MERDIA	
					
Sorteo # 4531		Sorteo # 8469		Sorteo # 4532	
7722		6556		3288	
8928		3088		4252	
3048		9819		5415	
					
X2		X2		FP	
					
Sorteo # 4531		Sorteo # 7513		Sorteo # 4532	
1306		4041		0089	
					
X2		X5		FP	
					
Sorteo # 2587		Sorteo # 2218		Sorteo # 2588	
9751		7636		1657	
					
Sorteo # 4531		Sorteo # 6272		Sorteo # 4532	
3614		0705		8317	
Scorpio		Virgo		Acuario	
					
Sorteo # 1405		Sorteo # 1202		Sorteo # 1406	
136		716		084	
					
X2		X3		X2	

	02-05-17-27-28
Sorteo # 2566	Joker 4 Letter J
1 x Jackpot	Proximo Jackpot
1 x Match 4+	
10 x Match 4	100.000,-
297 x Afl. 12,00	

	02-03-09-19-22
Sorteo # 6737	Proximo Jackoot
0 x Jackpot	
8 x Match 4	60.000,-
160 x Afl. 8,00	

	Mega Ball
Sorteo #	Proximo Jackpot
0 x Jackpot	
0 x match 4	
0 x Afl. 500,00	1.400.000,-
0 x Afl. 50,00	
0 x Afl. 15,00	

	Afl. 2.200.000,-
	
Sorteo #	
</	



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel. 297-582-2219

Fax 588-3376

Famia Planea (SBVO)

Avenida Milio J Croes 17
B Aruba

297-588-9591

www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Sta. Anna: **San Lucas:**
Tel. 586 8181 Tel. 584 5119

EMERGENCIA

911

POLIS

Oranjestad 100
San Nicolas 104
Santa Cruz 105
Noord 107
Tip Line 11141

Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

**Aruba Transfer Tour &
Taxi C.A.**

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Alumno a bira malo na E.P.B. School



Diabierna mainta a drenta informe di cu un mucha lo a bira malo na E.P.B. School, mesora a dirigi un ambulans na e school.

Na yegada di e ambulans nan a atende e alumno y a yud'e.

Polis controlando auto den oranan laat di anochi



Diahuebs anochi polisnan di Noord a para un auto na Shaba pa un control despues di a descubri cu papelnan no tabata na ordo a duna e chauffeur un boet.

E tipo di controlnan aki lo sigui tur esaki ta pa por tin un trafico mas sigur riba caminda.



Pronostico di tempo

Tempo:

Awe nochi: parcialmente nubla y generalmente seco
Den marduga y mañan: parcialmente nubla cu un awacero breve

Temperatura maximo 31 grado celsius
Temperatura minimo 26 grado celsius
Indice di calor (heat index) den y rond di oranan di merdia: 32 pa 36 grado celsius UV index: 8

Bahada di solo : 6:44 pm
Subida di solo : 7:04 am

Biento:

Moderate te basta fuerte for di direccion generalmente oost;
Forsa 4 te 5 (20 te 39 km/ora, 11 te 21 nudo)
Durante di dia fuerte te posiblemente duro den rafaga;
Forsa 6 te 7 (40 te 61 km/ora, 22 te 33 nudo)

Situacion general di tempo:

Un masa di aire relativamente seco lo stroba desaroyo di nubianan cu ta produci awacero.

Sinembargo, un aumento leve di humedad den oranan di marduga y mainta di diasabra por induci un awasero pasahero.

Di otro un banda, biento lo keda modera te basta fuerte durante e periodo di pronostico aki cu rafaganan fuerte te posiblemente duro.



Condicionnan maritimo/ estado di lama:

Na partinan protegi di costa: keto, rond di 1 pia.

Na partinan zuid: trankil 1 pa 3 pia.

Napartinan oost te noordwest di costa: Generalmente modera cu olanan alrededor di 4 pa 6 pia.

Aurora

Royal Pray

Funeral Home & Crematory

"Wait on the LORD: be of good courage, and he shall strengthen thine heart: wait, I say, on the LORD." - Psalm 27:14

It is with deep sadness that we announce the passing of our beloved: husband, father, brother, brother-in-law, uncle, cousin, and friend:



Edward Alexander Anderson
Better known as "Andy, Eddy or Adarn"
★ April 4, 1950 - † January 18, 2025

Let to mourn are:

His wife: Vanito Anderson née Williams

Children:

Dalmarie Anderson and Nicole Anderson

Brothers:

†Lawrence Turner and family
†Kenneth Royal and family
†Oscar Royal and family
Ezekiel Anderson and family
†Obediah Anderson and family
Charles Anderson and family
Rufus Anderson and family

Sister: Eliza Turner and family

Brother-in-laws: Wester Mc Leish and family, Calvin Dwyer and family, Cerbert Williams and family, Delroy Williams, George (John) Williams and family

Sister-in-law: Vivine Barrett and family

Cousins, nieces and nephews are too numerous to mention.

Members of Seventh Day Adventist Church, neighbours and friends in the community.

Other Families:

Brown, Carridice, Deebles, Hall, Hibbert, Powell, Reids, Royals, Turners, and Wrights.

The **Funeral service** will take place on **Wednesday, February 12th, 2025** at the San Nicolas Seventh Day Adventist Church located at Dr. Schaepmanstraat 3.

The body of the late Edward Alexander Anderson will be laid out from 1:00pm. The service will start at 2:00pm. Followed by the burial service at the Sabana Basora Cemetery.

Address for Condolences:

The Pray Funeral Home in San Nicolas
Tuesday, February 11th, 2025, from 7:00 - 9:00 pm.

We apologize if during our time of sorrow, we may have overlooked any family or friends.

Aurora

Royal Pray

Funeral Home & Crematory

*"Bou di alanan di Dios mi ta sigur"
Abo ku ta biba bou di amparo di Altisimo, ta hospeda den sombra di Dios Omnipotente, bisa Señor:
"Mi refugio, mi forti, mi Dios, den kende mi ta pone mi konfiansa"
Salmo 91:1-2*



Hendrick Croes

Naci Aruba 03 Juli 1938

Fayece Aruba 06 Februari 2025

Su mayornan:

†Miguel Croes y †Maria Ignacia Croes Cubellos

Na number di su:

Señora: Mauricia (Juyu) Croes Willems

Yiu stima:

Hendrick Jesus Croes y su pareha Minouche Hamers

Nieta: Maria-Isabel Croes

Mescos cu yiu:

Carlos Giraldo y familia
Consuelo Hernandez y familia
Giovanni y Susana Portes y familia
Mescos cu nieto y nieta: Audric Tejada y Ruchelly Galan

Rumanan:

†Emma y †Doty Dabian Croes y familia
†Jaime Croes y familia
†Doris y †Frits Maduro Croes y familia
Stella y †Orlando Ibañez Croes y familia na USA
†Miguel Croes y familia
†Lesbia Rosa y †Michel Padilla Croes y familia
†Osbaldo Croes
Luis Alberto Croes y familia
Robinson Croes y familia na Hulanda
Dr. Franklin Croes y Edgally Jimenez y familia
Jaimito Croes y Nidia Meza y familia

Cuñanan y Suanan:

†Maria Willems
†Francisco Willems y familia
Cornelia y †Mario Maduro Willems y familia
†Vicente Willems y familia
†Victoriano y †Nora Willems y familia
Carmen y Lu Dabian Willems y familia
†Regina (Ina) y †Chano Flanegin Willems y familia
Sita y †Wilbert Roos Willems y familia
†Florencio Willems
†Hubert Noguera

Suegro y Suegra:

†Victor Willems
†Wencelia Commenencia Willems
Comer, compernan y ihanan tur stima y hopi pa menciona.

Sobrino, Sobrina, Omo, Tanta, Primo y Prima na Colombia, Hulanda, España, Venezuela, USA y Aruba.

Demas familia: Croes, Willems, Cubellos, Iglesias, Chalela, Dabian, Maduro, Ibañez, Padilla, Flanegin, Roos, Tromp, Perez, Hamers, Montalvo, Morales, Castañeda, Barros, Arrieta, Rasmijn, Bisslick, Vargas, Geerman, Kock, Giraldo, Lake, Semeleer, Jimenez, Portes, Buckley, Vrolijk, Zavala.

Nos disculpa si den nos tristesa nos por a lubida un persona.

Condolencia y Entiero lo tuma luga dia 11 di Februari 2025 for di 1:00 pm pa 4:00 pm. na Misa Imaculada Concepcion na Santa Cruz y despues pa Santana Catolico Santa Maria na Santa Cruz.

Agradecimento na:

Dr. Mikeeo Martis, Dr. John A. Croes, Dr. Gerrit Croes, Lola Geerman, Lily Prins, Wilhelmina Kankerfonds Aruba y tur cu a compañe durante su enfermedad y na su ultimo momento.

Lo tin un box disponible den Misa pa donacion na Wilhelmina Kankerfonds Aruba.
Despues di entiero, no lo ricibi bishita di condolencia na cas.

Aurora

Royal Pray

Funeral Home & Crematory

*Laga nos alaba Dios y Tata di nos
Señor Hesus-Cristo!
E ta un Tata misericordioso y un
Dios cu semper ta consola
Corintionan 1 : 3*



"No corda riba mi cu tristesa.
No corda riba mi cu lagrima.
Corda riba mi cu un sonrisa".
Cu dolor na nos curason pero conforme boluntad di Señor, nos ta participa fayecimento di nos ser stima, ruman, tanta y cuña:

Sra. Ivonne Magarita Quandus

★22 februari 1954 - † 4 februari 2025

Cariñosamente yama "Vonchi"

Mama: †Suzette Quandus-Pastour

Tata: †Miguel Quandus

Na number di su rumannan:

†Marcel (Gaga) y Jeanne Porino y familia
Alfred (Freddy) Quandus y Ida Jabbar y familia
Marisa Quandus y familia na Hulanda
Claudio (Roy) y Elaine Quandus-Geerman y familia
Bernadette (Detta) y Martin Franken-Quandus y familia

Su sobrinonan stima:

Edgar (Juni) Porino na Hulanda
Sharinne Porino
Kenrick y Xuyan Quandus-Wu y familia
Omar Quandus y familia
Angelo y Irella Quandus-Partodikromo y familia
Ute Quandus y familia
Giovanni Franken y familia na Hulanda
Gioandi Franken y familia na Hulanda
Elvin y Julissa Poppen-Chayadi y familia
Claudette y Michael Leon-Sjiem-Fat y familia na Hulanda
Ezrah y Chris Szwichtenberg-Sjiem-Fat y familia na Hulanda
Christian Quandus na Hulanda
Janice Franken y familia na Hulanda

Su sobre sobrino/a- y ihanan na Aruba, Hulanda y Kòrsou

Cuña stima: Jeanne Porino

Amiganan y amigo manera ruman: Pricillia (Mem) Poppen, Maria Lopez, Aurita Kock, Mena Loefstok, Ingrid Stewart, Yvette Dijkhoff, Coleta Zschuschen, David Bergrok, Marly Delgado, Desiree Da Costa Gomez, Miriam Carrera na Kòrsou y Caría Lussier na U.S.A.

Amigonan stima: Raymond Phillips, Wendell Precilia y Sonny Paulina na Kòrsou

Bisiñanan: Comenencia, Herts, Tromp, Dania, Sneek, Steenen, Rafael, Bosnie, Hoo, Ignacio, Tromp, Malmberg
Demas familia: Quandus, Porino, Jabbar, Franken, Geerman, Cellaire, Kock, Wu, Partodikromo, Poppen, Chayadi, Sjiem-Fat, Leon, Szwichtenberg, Rosina, Comenencia, Berok, Phillips, Lopez, Precilia, Paulina, Da Costa Gomez, Carrera, Stewart, Dijkhoff.

Su ex-coleganan di Divi-Tamarijn Hotels y Kushina Krioyo (Kòrsou)

Propetaria di Unique Engravings.

Un danki special na Dra. Ivette Garcia na Kòrsou pa cu su atencion na nos ruman y na Maria Lopez y Ute Quandus durante momentonan critico na Colombia.

Nos disculpa si durante e momentonan aki di tristeza nos por a lubida un familiar of conoci.

Condolencia y despedida lo tuma lugar riba Diaranson 12 di februari 2025 na Aurora Funeral Home di 2'or pa 4'or di atardi. Despues di despedida e acto di cremacion lo tuma luga den seno familiar.

Nos ta lamenta cu despues di despedida nos lo no por ricibi bishita di condolencia na cas.

Aurora

Royal Pray

Funeral Home & Crematory

Cu honda pena, pero conforme cu decision di Dios, nos ta anuncia fayecimento inespera di nos casa, tata, suegro, welo, omo, y amigo stima...



Virgilio Pascual Laclé

Mihor conoci como 'Milo'

Naci: 24 December 1937 • Fayece: 3 Februari 2025

Na number di su casa:

Alejandrina (Ali) Laclé-Tromp

Di su yiunan:

Nilton Laclé y yiu.

Andy, Marien Laclé-Diaz Rios y yiu

Di su nietonan stima:

Mitchell Laclé.

Jake Laclé.

Na memoria:

Milo awor ta acudi cerca su rumannan kendenan a bay prome cune, esta Ovid Laclé, Dufi Laclé, Chai Laclé, Sildo Laclé, Etta Theysen-Laclé, Chichi Laclé, Eddy Laclé, Pina Lindeborg-Laclé, Efe Laclé, Sita Croes-Laclé, y Annie Laclé.

Na number di su cuñanan:

Bertha Fingal y yiu, Magdalena Tromp y yiunan, Lita Tromp y yiu, Livia Vrolijk y yiunan.

Cu hopi cariño: Na number di sobrino- y sobrinanan hopi costumbra, Jeanette Bruin-Laclé, Shuliska Rosaria (mama di su nieto), Sharine Vrolijk, Alfred Lindeborg, Helene Wong-Croes, Lientje Laclé, Dr. Gregory Laclé, Yvette Laclé, Franklin Laclé, Renny Laclé, Chichita Laclé.

Bisiña- y bon amigonan di cas:

Jane Oduber, Calvin Tromp y famia, Deka Feliciano y Herbie, Marlin Erasmus y famia, Shuliska Rosaria, Shirley Oduber y famia, Emily Croes-Oduber y famia, Susana Schwengle, Teng Werleman, Carlos Brokke y famia.

Tur su ex-coleganan: Di Lago Oil & Transport, Ltd., Exxon Mobil Baytown Olefins Plant, Coastal Aruba Refinery, Valero Refinery Powerhouse unit, ex-colega y hungadornan di Sport Club Aruba na Paradera. Demas famia Laclé, Tromp, Diaz Rios, Rosaria, Fingal, Oduber, Vrolijk, Lindeborg, Bruin, Croes, Upegui, Franken, Giel, Ras, Yarzagaray, Leo.

TA INVITA pa oportunidad pa condoleer riba Diamars, 11 Februari 2025 na Royal Funeral Home na Cumana, for di 7:00 pm te cu 9:00 pm.

DESPEDIDA di nos Milo stima lo tuma lugar **Diaranson, 12 Februari 2025** na Royal Funeral Home na Cumana, for **di 2:00 pm te cu 4:00 pm.** Despues di respons lo sigui pa entiero na Santana Catolico di Paradera.

Envez di flor of krans, ta bay sigui yuda Milo kende semper a stima y haci donacion casi henter su vida na e hobennan dinamico di YMCA San Nicolas. Lo tin un box disponibel pa haci e donacion.

Despues di entiero, no ta acepta bishita di condolencia na cas.

Aurora

Royal Pray

Funeral Home & Crematory

“Señor ta mi wardado, mi’n tin falta di nada
Den cunucu di yerba berde e ta pone mi sosega.
E ta hiba mi na awa trankil,
Pa mi bolbe haya forsa’.
Salmo: 23

Cu inmenso dolor y tristeza na nos curason, nos ta anuncia fayecimento di:



Mr. Rolando Facundo Bernadina

Miho conoci como “Ronny of Dientje”

★ 27 November 1950 - †31 Januari 2025

Na number di su:

Querida esposa: Rubia Bernadina-Maat

Yiunan:

Rubinah Bernadina

Ronique Bernadina

Rodney Bernadina & Daniela Santoro

Nieto(a)nan:

Clayton Romero, Tristen Romero, Dyllan Romero, Indy Bernadina

Rumannan:

Wilfrido & †Rica Bernadina-Gomez y famia

Alwin & †Marina Bernadina-Peña y famia

Jesus (Chupi) & Lena Bernadina-Gomez y famia

Gladys & Dolf Maduro-Bernadina y famia

Mirlanda Bernadina & Victor Valdez y famia

Su subrino & subrinanan y nan famia: Lynell Bernadina, Lynette Bernadina, Shirley Bernadina, Judella Bernadina, Haime Bernadina, Isahaira Bernadina, Viveca Bernadina, Mylène Bernadina, Danny Maduro, Kathleen Maduro, Daisy Tromp, Armand Kelly

Su prima: Vda Evelina Levenston - Bernadina y famia

Su acto primo y acto primanan

Sua & cuñanan:

†Edwin & †Laura Maat-Figueroa y famia

Ingrid & †Henri Lourens-Maat y famia

Sylvia & Frank Eduardo-Maat y famia

Rudy & Astrid Maat-Boom y famia

Myrtha & Henky Stomp-Maat y famia

Tico Maat & famia

Carlos Maat y famia

Norberto & Nicole Maat-Torré y famia

Su ihanan:

Toeki Marlin, Danny Maduro, Inaira Feliciano, Joelle Kelly,

Mylène Bernadina, Jerred Lugo

Su amigonan: Nico & Trudy Waterschoot y famia, Sietske & Peter Diepeveen y famia, Niels & Celine Waterschoot, Ronny & Solange Thode y famia, Crispin & Maureen Romero-Hatt y famia, Ale & Myriam Vrolijk y famia, Francis & Yolanda Arends, Chepito Kelly & famia, Ko Fung & Maroushka Ho y famia, I. Josepha (Sto Domingo), Juancho Werleman, Susy Nadal, Cuchie Thielman y famia, Dafnis & Astrid Fransisca y famia, Maria Fingal y famia, Tere Urra y famia

Su bisiñanan di Julianastraat y Paradera, S.V. Mercurius, Atletico Aruba, AVB, Orlando Family

Un danki special na:

Korps Politie Aruba, Grupo 30 di Mei 1969, Grupo di Pensionado Aruba, Dr. Horacio Oduber Hospital Afdeling B4 & security, Zuster Verdal, Zulayka Croes (“Dokter Croes”), Sylvia van der Biezen, Broeder Lopez, Anouska Wever, Dokter Lacle / Dokter Fingal / Dokter Kolf / Dokter De Lanoy y oficina, Melony de Mey, personal di Botica Kibrahacha, Love & Care (Edith v.d. Biezen), personal di Hospice

Demas famia:

Bernadina, Maat, Romero, Santoro, Gomez, Peña, Maduro, Valdez, Rincones, Lourens, Eduardo, Stomp, Torré, De Mey, Piña, Coffie, Lugo, Martijn, Rincones (Ven), Mendez, Bejerano. Y demas famianan na Corsou, Hulanda, Estados Unidos y Venezuela.

Nos disculpa si den nos tristesa nos por a lubida un persona.

Condolencia lo tuma luga dialuna **10 di februari 2025 di 7:00 pm pa 9:00 pm** na Aurora Funeral Home.

Acto di despedida lo tuma luga diamars **11 di Februari 2025 di 2:00 pm pa 4:00 pm** na Pro Catedral San Francisco na Oranjestad. Despues di despedia e acto di cremacion lo tuma lugar den ceno familiar.

Ta pidi pa, en bes di flor, por haci un contribucion na e box disponibel na beneficio di Hospice.

Aurora

Royal Pray

Funeral Home & Crematory

Mi ke alabá SEÑOR tur tempo,
Su Alabanza lo no kita fo'i mi boca,
Mi alma ta gloria den SEÑOR,
Laga humildenan bin tende y gosa.
Canta grandesa di SEÑOR huntu cu mi,
ban alabá SU Number tur huntu!
Salmo 34



Cu hopi dolor na nos curason, pero conforme boluntad di nos creador y senjor Dios y gradicido pa tur loke ela nifica pa nos, nos ta participa fayecimento di nos casa, tata, welo, ruman, swa, omo y amigo:

Ruben Geerman

Nos Pa y Opa stima

★29-11-1939 - †07-02-2025

Na number di,

Su casa: Irena M. Geerman-Ras

Su tata y mama:

†Ambrosio “Booshi” Geerman y †Dominica “Angelica” Geerman-Geerman

Su yiunan:

Ruben “Bencho” Geerman y Ursula Geerman-Croes

Rodney Geerman y Mirla Geerman-Kock

Su nieto(a)nan:

Rutienne Geerman

†Mitchell Geerman

Anthony Geerman

Michella Geerman

Thanya Geerman

Micheline Geerman

Su rumannan:

†Pancho Thiel y famia

†Panchito Geerman y †Rosa Geerman-Wernet y famia

†Emelita Geerman y famia

†Benjamin Geerman y Lelia Geerman-Kock y famia

†Irma Kock-Geerman y †Augustin Kock y famia

†Thomas Geerman y Dora Geerman-Koolman y famia

†Cristobal Geerman y Sonia Geerman-Dabian

Manera ruman:

Robert “Roy” Geerman

Estrella Japtjong y famia

Sonia Japtjong y famia

Su swanan y cuñanan:

†Ambrosio Ras y †Aura Ras-Zavala y famia

†Adela Ras y †Ronny Dake

†Efrain Ras y Elia Ras-Henriquez y famia

Florentina Dijkhoff-Ras y †Rosindo Dijkhoff y famia

†Eduardo Ras y Jeany Ras-Haayen y famia

Diana Hernandez-Ras y †Antonio Hernandez

Lucrecia Boekhoudt-Ras y Facundo Boekhoudt y famia

†Michael Ras

Anna Maria Ras y famia

Su iha:

Rene Dijkhoff

Su sobrinonan y sobrinanan

Su amigonan di cas:

Orlando Sint Jago y Glenda Sint Jago-Kock

†Vicente Croes y Ursula Croes-Werleman

Richard Bikker y Liska Bikker-Croes

Carol Boekhoudt

Bryan Kock

Su bon bisiñanan:

Famia Margaretha

Famia Brooks

Su ex-coleganan di Directie Financien y ex-compañeronan di ex-Formosa Softball Team

Demas famianan, amigonan y conocirnan:

Geerman, Ras, Croes, Kock, Thiel, Wernet, Dabian, Koolman, Zavala, Dake, Henriquez, Dijkhoff, Haayen, Hernandez, Boekhoudt, Fortin, Arends, Capela, Fullinck, Nicolas, Brete, Maduro, Jacobs, Werleman, Noguera, Vrolijk, Giel, Vlaun, Marchena, Sint Jago, Bikker, Wever, Margaretha y Brooks.

Ta invita p'e **acto di despedida** cual lo tuma lugar na Aurora Funeral Home, diahuebs 13 di februari 2025 di 1'or pa 4'or di atardi. Despues di e acto lo sali cu e restonan mortal pa Santana Catolico na Savaneta.

Disculpa nos si den nos tristesa nos por a lubida di menciona algun famia of conocir. Despues di entiero no ta ricibi bishita di condolencia na cas.

Aurora

Royal Pray

Funeral Home & Crematory

*Drenta su portanan cu gradicimento,
drenta su tempel cu cantica di alabansa,
glorific'e, bendiciona su Number.
Salmo 100:4*

Cu dolor na nos curason, nos ta participa fayecimento di:



dr. Rudolf M.M. Jessurun
"Rudy"
*25-04-1934 - †28-01-2025

Na number di su:

Esposa:

†Griselda Jessurun-Isenia

Yiu:

Carlos Jessurun y esposa Marlene Jessurun

Nieto y Nietanan:

Brandon Jessurun

Vanessa Jessurun

Venae Ehambe

Nieto yerno:

Joshua Ehambe

Rumannan

†Alfons Jessurun

†Georgine Pracht

†Tilly Clothilde Gietel

†Willy Dare

†Antonius Jessurun

†Angelique Wederfoort

Sua- y cuñanan:

†Nelson y Edith Isenia Frans

Noris y †Pablo Conradus Isenia

Winston y Olga Isenia Gutierrez

Mayra y †Robert Barendregt Isenia

Ingrid y Johnny Carrega Isenia

Eric y Gerda Isenia Rosalia

Un danki special ta bay pa e dunadonan di cuido:

Renato y Vickie van Putten

Maria Bradford

Maria Dalila Castaño Quiceno

Ta invita pa asisiti na e acto di despedida cu lo tuma luga:

diasabra 15 di februari 2025 di 2:00 PM pa 4:00 PM

na Aurora Funeral, Cumana, Oranjestad. Sigui pa su ultimo luga di sosiego na Santana di Sabana Basora

Nos disculpa cu despues di e entierro nos no por ricibi bishita di condolencia na cas.

Nos di famia Jessurun ta gradici tur famia, amigo y conocinan.

Aurora

Royal Pray

Funeral Home & Crematory

"Bou di alanan di Dios mi ta sigur"

Abo ku ta biba bou di amparo di Altisimo, ta hospeda den sombra di Dios Omnipotente, bisa Señor:

"Mi refugio, mi forti, mi Dios, den kende mi ta pone mi konfiansa"

Salmo 91:1-2

Cu dolor na nos curason, nos ta participa fayecimento di nos ser stima:



Humphrey S. Hewitt
Cariñosamente yama "Piet"
*28-10-1949 - †31-01-2025

Acto di despedida lo wordo anuncia despues

Aurora

Royal Pray

Funeral Home & Crematory

"Señor ta mi wardador, mi'n tin falta di nada"

Den cunucu di yerba berde e ta ponemi sosega.

E ta hibami na awa trankil, Pa mi bolbe haña forza".

Salmo: 23



Nos ta anuncia fayecimento di:

Odette Josefina Caster-Molina
*20-07-1936 - †06-02-2025

Acto di entierro lo wordo anuncia despues.

Aurora

Royal Pray

Funeral Home & Crematory

"Señor ta mi wardador, mi'n tin falta di nada"

Den cunucu di yerba berde e ta ponemi sosega.

E ta hibami na awa trankil, Pa mi bolbe haña forza".

Salmo: 23



Nos ta anuncia fayecimento di:

Ramona Kock-Tromp
*01-03-1932 - †06-02-2025

Acto di entierro lo wordo anuncia despues.

3 estado Baltico ta desconecta di red di era Sovietico pa uni e sistema di energia Europeo



(AP) - E fluho di electricidad entre e paisnan Baltico Estonia, Latvia y Lithuania cu Rusia a keda oficialmente corta diasabra mainta despues cu oficialnan a paga e lineanan di transmision di era Sovietico y a prepara pa uni resto di Europa diadomingo,

Esaki ta bini mas di 3 decada despues cu e Union Sovietico a collapse, cabando e Balticonan su ultimo lasonan cu Rusia. Pa e 3 pais, ademas di resto di Europa, e decision aki ta yen di significancia geopolitico y simbolico.

"E sistema di energia Baltico finalmente ta den nos man, nos ta den control completo," minister di Energia di Lithuania Žygimantas Vaičiūnas a expresa na reporteronan.

Diasabra, tur linea di transmision cu ta keda entre nan y Rusia, Bielorusia y Kaliningrand, a ser paga un pa un. Lithuania prome y despues Latvia algun minuut despues sigui pa Estonia.

Pa 24 ora despues di kita for di e red aki, e Baltic Power System lo opera independientemente. Si tur cos bay di acuerdo na e plan, e sistema di energia lo uni na e red di energia Europeo pa diadomingo merdia cu varios conexion cu Finland, Sweden y Poland.

Presidente di Comision Europeo Ursula von der Leyen, ademas di e presidentenan di estadonan Baltico y Poland ta anticipa di participa den un ceremoia na Vilnius diadomingo cu otro invadatonan.

E paisnan aki, di cual tur ta miembro di NATO, hopi biaha tabatin laso bao presion cu Rusia desde cu el a declara independencia for di USSR den 1990 - y relacionnan a cay durante Rusia su invasion di escala completo na Ucrania den 2022.

16 linea di energia cu tabata conecta e estadonan Baltico cu Rusia y Bielorusia a keda desmantela den añanan recién mientras un red nobo conectando nan na e red di Union Europeo tabata ser rea, incluyendo cable bao awa den Baltic Sea.



Corea di Nort ta critica asociacion Merca-Corea di Sur-Hapon

Y ta priminti di reforsa su programa nuclear

(AP) — Lider di Corea di Nort, Kim Jong Un a bisa cu un asociacion di seguridad eleva di Merca cu Corea di Sur y Hapon ta presenta un menasa grave pa su pais y a priminti di sigui reforsa su programa di arma nuclear, medianan estatal a publica dia-domingo.

Anteriormente, Kim a haci advertencianan similar, pero su declaracion mas recien ta implica un biaha mas cu e lider Coreano probablemente no ta bay acepta e oferta di presidente Donald Trump pa reuni cune y rebiba diplomacia por lo pronto.

Den un discurso marcando e di 77 aniversario di fundacion di Ehercito Popular Coreano diasabra, Kim a bisa cu e asociacion trilateral di seguridad Merca-Hapon-Corea di Sur, estableci bao un plan di Merca pa forma un bloc militar regional similar na NATO, ta invitando un desbalans militar riba e Peninsula Coreano y “aumentando un reto grave na e ambiente di seguridad di nos estado,” segun Agencia

Noticiero Central Coreano oficial, KCNA.

Entre diplomacia stanca cu Merca y Corea di Sur den añanan recien, Kim a enfoca riba aumenta y modernisa su arsenal di arma nuclear. Den respuesta, Merca y Corea di Sur a expande nan ehercicionan militar bilateral y training trilateral involucrando Hapon. Corea di Nort a critica e ehercicionan aki, yamando nan ensayo pa invadi e pais.

Desde su inauguracion dia 20 di januari, Trump a bisa cu e lo tuma contacto cu Kim un biaha mas mientras el a gaba su cumbre cune durante su prome termino.

Durante un conferencia di prensa conhunto cu prome minister Hapones, Shigeru Ishiba diabierna, Trump a bisa cu “nos ta bay tin relacion cu Corea di Nort, cu Kim Jong Un. Ami a bay hopi bon cune, manera boso sa. Mi ta kere mi a stop e guerra.”

Durante un entrevista cu Fox News dia 23 di januari, Trump a yama Kim un “guy

sabi” y “no un fanatico religioso. Contestando si e lo tuma contacto cu Kim atrobe, Trump a contesta cu si.

Trump a reuni tres biaha cu Kim den 2018-19 pa discuti con pa stop programa nuclear di Corea di Nort den loke tabata e prome cumbre den historia entre e lidernan di Merca y Corea di Nort. E diplomacia riesgoso eventualmente a collapse pasobra Trump a rechasa oferta di Kim pa desmantela su compleho nuclear principal, un stap parcial di desnuclearisacion, a cambio di alivio amplio di sancion.

Corea di Nort no a responde directamente na e oferta recien di Trump, mientras ta continua actividadnan pa test arma y retorica hostile contra Merca. Hopi experto ta bisa cu Kim awo ta preocupa cu su despliegue di trupa na Rusia pa sostene su esfuersonan di guerra contra Ucrania. Nan ta bisa cu Kim eventualmente lo reconsidera bolbe na diplomacia cu Trump si e ta determina cu e lo fracasa den mantene e cooperacion so-



lido actual cu Rusia despues di fin di e guerra.

Den su discurso diasabra, Kim a reafirma cu Nort Korea “invariablemente lo sostene y curasha e causa husto di ehercito y pueblo Ruso pa defende nan soberania, seguridad y integridad territorial.” Kim a acusa Merca di ta tras “di e mashin di guerra cu ta impulsando e situacion tragico di Ucrania.”

Na Corea di Sur, algun ta preocupa cu Trump por bandona e meta di e comunidad internacional di logra un

desnuclearisacion completo di Corea di Nort pa produci un logro diplomatico.

Pero un declaracion conhunto emiti pa Trump y Ishiba despues di nan cumbre a declara cu e dos lider ta reafirma “nan compromiso determina pa e desnuclearisacion completo di DPRK,” e acronimo pa e nombre oficial di Corea di Nort, Republica Democratico Popular di Corea. E declaracion a bisa cu Merca y Hapon tambe ta reafirma e importancia di e asociacion trilateral Hapon-Merca-Corea di Sur pa responde na Corea di Nort.

Rehennan Tailandes libera ta bolbe Bangkok despues di mas cu un año secuestra na Gaza

(AP) — Cinco trahador Tailandes libera despues di a keda como rehen pa mas cu un año na Thailand a yega Bangkok dia-domingo.

Sarusak Rumnao, 32, Watchara Srioun, 33, Sathian Suwannakham, 35, Pongsak Thaenna, 36, y Bannawat Saethao, 27, a keda libera dia 30 di januari como parti di un acuerdo di intercambio.

Nan a ser brasa pa nan famia, algun di nan na yoramento, den e arrivals hall na aeropuerto Suvarnabhumi.

Minister di Exterior di Tailandia, Maris Sagniampong y embahador Israeli na Tailandia, Orna Sagiv ambos tabata na e aeropuerto pa ricibi e rehennan libera.

“Nos tur ta hopi agradecido y hopi contento cu nos por bolbe nos pais natal. Nos tur kier realmente gradici boso. Mi no sa kico mas pa bisa,” Pongsak a bisa durante un conferencia di prensa na e aeropuerto.

Maris a bisa cu gobierno



Tailandes “nunca a bandona speransa y aki tin e resultado awe. E lagrima di alegria ta nos curashamento.” El a agrega Bangkok lo continua traha pa segura e liberacion di e rehen Tailandes cu ainda ta den captividad.

E grupo rapidamente a ban-

dona e conferencia di prensa pa bolbe nan pueblonan di origen di region nort y nort-oriente di Tailandia. Nan tabata e di dos grupo di rehen Tailandes libera desde inicio di e guerra. Durante un alto-fuego anterior na november di 2023, a libera 23 ciu-

dadano Tailandes den un acuerdo negocia entre Tailandia y Hamas, cu asistencia di Qatar y Iran.

Tur cinco homber a ricibi evaluacion na un hospital pafo di Tel Aviv prome cu nan regreso. Cuatro di nan tabata compana pa un familiar cada un siman pasa. E biahe tabata patrocinado pa gobierno Israeli, segun embahada Tailandes na Tel Aviv.

Militantenan di Hamas a secuestra 31 ciudadano Tailandes durante e atake dia 7 di october, 2023, contra sur di Israel, haciendo nan e grupo mas grandi di stranhero secuestra. Hopi di e trahadornan agricultural Tailandes tabata biba den terenonan pafo di e kibbutzim y pueblonan den sur di Israel, y militantenan di Hamas a invadi e lugarnan ey prome.

Un total di 46 Tailandes a ser mata durante e conflicto, incluyendo dos ciudadano Tailandes kende a muri durante e atake y nan curpa a ser hiba den Gaza, segun Ministerio Tailandes di Asunto Ex-

terior.

No tabatin informacion inmediato disponible tocante Nattapong Pingsa, kende ta e ultimo rehen Tailandes cu ainda ta na Gaza, ni e dos trahador Tailandes kende nan curpa a ser hiba den Gaza.

Maris, minister di Exterior Tailandes, a biaha na Israel pa bishita e cinco homber libera tiki despues di nan liberacion. Maris a reuni cu su contrapartinan Israeli buscando sosten pa segura e liberacion di e ultimo rehen Tailandes y recupera e curpanan di e dos Tailandes fayecido.

Trahadornan Tailandes ta keda e grupo mas grandi di trahador agricultural stranhero na Israel. E paisnan a implementa un acuerdo bilateral un decada atras especificamente facilitando caminda pa trahadornan agricultural Tailandes. Hopi trahador Palestino a bolbe desde esey, y prome cu e atake di Hamas, alrededor di mita di forsa laboral Israeli tabata consisti di trahador stranhero y Palestino.